

遊記第八册上

江陰徐宏祖霞客著

子別姓李

寄介立 輯

季夢良會明編

後學杜一鳴鳳嗜

重校

同邑

楊名時疑齋閱

族孫徐

鎮筠峪

滇遊日記八

三月初一日何長公以騎至文廟前再饋滄為包乃出南

門一里過演武場大道東南去乃由岐西南循西山行四里

西山南盡有水自西峽出即鳳羽之流也其水頗大南即天

馬山橫夾之與西山南盡處相峙若門水出其中東注茈碧

湖南坡墜間抵練城而南入普陀墜路循西山南盡處溯水

遊記 八册上

滇八

一

而入五里北崖忽石峰壁立聳首西顧其內塢稍開有邨當

聳首下塢中是名山關聳首之上有神宇踞石巔望之突兀

甚蓋即縣後山自三台分支南下此其西南盡處也其內大

脊稍西曲南與天馬夾成東西塢循溪北崖間又三里餘西

抵大脊之下於是折而南一里渡澗東循東山南行一里為

閘江門哨有守哨者在路旁又南二里有小山當峽而踞扼

水之吭鳳羽之水南來鐵甲塢之澗西出合而搗東崖下路

乃緣崖襲其上二里出扼吭之南邨居當坡東若縮其口者

由是邨南山塢大開西為鳳羽東為啟始後山夾成南北大

塢其勢甚開三流貫其中南自上馴北抵於此約二十里皆



良田接勝，綿谷成邨，曲峽通幽，入靈臯夾水居。古之朱陳邨，桃花源寥落已盡，而猶留此一奧，亦大奇事也。循東山而南，爲新生邑，共五里，折而西度塢中，截塢五里，抵西山鳳羽之下，是爲舍上盤。古之鳳羽縣也。今有巡司，一流一土，土尹姓。名忠，號懋亭，爲呂呂夢熊先馳使導，爲居停，而尹以捕緝，往揮使夢熊之壻。後山，其內人出飯待客，甚豐。薄暮，尹返，更具酌設，鼓吹焉。是夜大雨，迨曉而雪滿西山。

初二日，晨滄後，尹具數騎，邀余遊西山。蓋西山卽鳳羽之東垂也。條岡數十支，俱東向，蜿蜒而下，北爲土主坪，南爲白王寨。是日飯於白王寨北支帝釋寺中，其支連疊三寺而俱無。

遊記 八册上 滇八

僧居，言亦以避寇去也。從土主廟更西上，十五里，卽關坪，爲鳳羽絕頂。其南白王廟後，其山更高，望之雪光皚皚而不及登。鳳羽一名烏弔山，每歲九月，烏千萬爲羣來集坪間，皆此地所無者。土人舉火，烏輒投之。

初三日，尹備騎，命四人導遊清源洞。晨滄後，卽行，循西山南行五里，過一邨，有山橫亘塢南，大塢至是南盡而分爲二峽。西峽路由馬子哨通漾濞，有一水出其中，東峽路由花甸哨出，洪珪山有二水出其中，其山蓋南自馬子哨分支北突者。由其北麓二里，東降而涉塢，過上駟邨，渡三澗，三里，東抵一邨，復上坡，循東山南行一里餘，渡東澗之西，乃南躡坡岡，則東之蠟峯、廠山，其廠出鑛山之東，卽鄧川州。與西之橫亘山，又夾成小塢。



南行里餘乃折而東逾一岫共一里東向下忽見一水自壑底出卽東澗之上流出自洞下者也亟下壑底睹其水自南穴出涌而北流成溪其上崖間一穴大僅二三尺亦北向上書清源洞三字爲鄧川縉紳楊南金筆水不從上洞出由洞口下降而入亦不見水或曰行數里後乃聞水聲其入處逼仄深墜恰如茶陵之後洞導者二一人負松明一筐一人然松明爲炬以入南人數丈路分爲二下穿者爲穴上躋者爲樓樓之上復分二穴穿右穴而進其下甚削陷峽頗深卽下穿所入之峽也以壁削路阻不得達乃返穿左穴而進其內曲折駢夾高不及丈闊亦如之而中多直豎之柱或連枝剖楹或中盤旁

遊記

八册上  
滇八

三

叢分合間錯披隙透窾頗覺靈異但石質甚瑩白而爲松炬所薰皆黑若煙煤着手卽膩不可脫蓋其洞旣不高曠煙霧莫散而土人又慣用松明便於僂儂而益增其煤膩蓋先是有識者謂余曰是洞須歲首卽遊爲妙過二月輒爲煙所黑余問其故曰洞內經年人莫之入煙之舊染者旣漸退而白乳之新生者亦漸垂而長故一當新歲人競遊之光景甚異從此至二月遊者已多新生之乳旣被採折再染之垢愈益薰蒸但能黧染衣服無復領其光華矣余不以其言爲然至是而知洞以低故其乳易採遂折取無餘其煙易染遂薰蒸有積其言誠不誣也透柱隙南入漸有水貯柱底盤中其盤



皆石底廻環大如盆盎頗似粵西洞中仙田之類但不能如其多也約進半里又墜穴西下其深四五尺復夾而南北下平上奏高與闊亦不及丈南入三丈而止北入十餘丈亦窘縮不能進乃復出升墜穴之上尋其南隙更披隘以入入數丈洞漸低乳柱漸逼俯膝透隙匍匐愈難復返而出由樓下坑內批隙東轉又入數十丈其內高闊與南入者同而乳柱不能比勝旣窮乃西從下坑透穴出由坑仰眺其上稍覺崿峒卽入時由樓上俯瞰處旣下穴出漸見天光乃升崖出口滿身皆染淄蒙垢矣乃下濯足水穴之口踞石而澆水從亂穴中汨汨出遂成大溪北去清冷澈骨所留二人炊黃梁於

遊記

八冊上  
滇八

四

洞外者亦熟以所攜酒脯箕踞啖洞前仰見天光如洗四山如城甚愜幽興飯後仍逾西峒稍南遵花甸路遂橫涉中溪西上橫亘山之東坂沿山陟隴五里下出上駟邨之西仍循西山北行一里過一邨遂由小徑遵西山隴半搜剔幽奧上下岡坂十餘里抵暮還宿於尹宅

初四日尹備數騎循西山而北三里盤西山東出之嘴又北半里忽見山麓有數樹撐空出馬足下其下水聲淙淙出樹間則泉穴自山底東透隙而出也又北半里有坑自北山墜成峽涉之稍東又盤一嘴又三里而至波大邑倚西山而聚廬亦此間大聚落也由邨北墜坑而下橫涉一澗又北上



逾岡三里而下是爲鐵甲塲有溪自西山東注卹廬夾之前  
闕江門南當峽扼水小山又東踞爲此中水口南北環山兩  
支復交於前又若別成一洞天者過溪上北山此山自西山  
橫拖而來爲鐵甲塲龍砂實鳳羽第三重砂也東東溪流最  
爲緊固其西南之麓卽鐵甲東北之麓卽闕江門鳳羽一川  
全以此爲鎖鑰焉騎登其上還飯於鐵甲塲居民家置二樽  
於架上下煨以火插藤於中而遞吸之屢添而味不減其卹  
氓憤走緬甸皆多彝貨以孩兒茶點水饗客茶色若胭脂而  
無味下午仍從波大邑盤泉穴山嘴復西上探其腋中小圓  
山風雨大至沾濡而返

遊記 八册上  
滇八

五

初五日晨起欲別尹君以是日清明留宴於塋山卽土主廟  
北新塋也坐廟前觀祭掃者紛紛奢者攜一猪就塋間火炕  
之而祭貧者攜一雞就塋間弔殺之亦烹以祭迴憶先塋已  
三違春露不覺憮然亟返而臥

初六日余欲別而尹君謂前邀其岳呂夢熊期今日至必再  
暫停適卹有諸生許姓者邀登鳳羽南高嶺隨之下午返而  
呂君果至相見甚懽

初七日尹君仍備騎同夢熊再爲清源洞之遊先從白米卹  
截川而東五里遵東山南行山麓有騎龍景帝廟廟北有泉  
一穴自崖下湧出崖石嵌磊巨木盤糾清泉漱其下古藤絡



其上境甚清幽，士人之耕者，見數騎至，以爲追捕者，俱釋耒而趨山走險，呼之趨益急。又南五里而抵清源洞，不復深入。攬洞前形勢，仍西渡中溪，遍觀西山形勝而返。下午，余苦索別，呂君代爲尹留甚篤。是日宴張氏兩公子，客去，猶與呂君洗盞更酌，陳樂爲胡舞，日緊急鼓。

初八日，同夢熊早飯後，別尹君三十五里，抵浪穹南門。夢熊別去，期中旬晤榆城。余入文廟，命顧僕借炊於護明寺，而後往候何六安。何公待余不至，已先一日趨榆城矣。余乃促何長君定夫爲明日行計。何長君留酌書館，復汲湯泉爲浴而臥。

遊記

八册上  
滇八

六

初九日，早飯於何處。比行陰雲四合，大有雨意。何長君次君，仍以盒餞於南郊。南行三里，則鳳羽溪自西而東注，架木橋度之。又南里餘，抵天馬山麓，乃循而東行。風雨漸至，東里餘，有小阜踞峽口之北，曰練城，置浮屠於上，爲縣學之案。此縣普陀崆水口，旣極逼束，而又天生此一阜，中懸以鎖鑰之。芷碧湖洱源海及觀音山之水，出於阜東；鳳羽山之水，出於阜西，俱合於阜南，是爲三江口。由其西望之而行，又二里，將南入峽，先有木橋跨其上流，度橋而東，應山鋪之路。自東北逾橫山來會，遂南入峽口。是峽東山，卽靈應山西下之支。西山卽天馬山東盡之處。兩山逼湊，急流搗其中，爲浪穹諸水所



由出路從橋東卽隨流南入峽口有數家當峽而居是爲巡檢司時風雨交橫少避於跨橋樓上樓圯不能蔽寒甚南望峽中風陣如舞北眺凌雲諸峰出沒閃爍坐久之雨不止乃強擔夫行初從東崖南向行普陀壑中一里峽轉而西曲路亦西隨之一里復轉而南一里有一家倚東崖而居按郡志有龍馬洞在峽中疑卽其處而雨甚不及問又南江流揭壑中愈驟壑中石聳突而激湍或爲橫檻以扼之或爲夾門以束之或爲齟齬或爲劍戟或爲犀象或爲鷲鳥百態以極其搏截之勢而水終不爲所阻或跨而出之或穿而過之或挾而濺之百狀以盡超越之觀時沸流傾足下大雨注頭上兩

遊記 八册上

滇八

七

崖夾身一綫透腋轉覺神王二里顧西崖之底有小穴當危崖下東向與波流吞吐心以爲異過而問熱水洞何在始知卽此穴也先是土人言普陀壑中有熱水洞門甚隘而中頗寬其水自洞底涌出如沸湯人入洞門爲熱氣所蒸無不浹汗有疾者輒愈九蒸臺止可煮余時寒甚然穴在壑底甚深且已過不及下也又南一里峽乃盡前散爲塢水乃出壑而路乃下坡半里抵塢是爲下山口蓋壑東之山卽靈應南垂至是南盡餘脉遜而東乃南衍爲西山灣之脊壑西之山南自鄧川西逆流而上中開爲南北大塢而彌苴法江貫其中焉峽口之南有邨當塢是爲鄧川州境於是江兩岸垂楊夾



堤路從東岸行六里餘而抵中所時衣已濕透風雨不止乃  
覓逆旅沸湯爲飯入叩劉陶石名一金父以鄉荐爲涿州守卒於任前宿其來鳳莊者  
劉君出酒慰寒遂宿其前樓出楊太史二十四氣歌相示書  
法帶趙吳興而有媚逸之致

初十日雨止而餘寒猶在四山雪色照人迨飯而擔夫逸去  
劉君乃令人覓小舟於江岸之西覆鐘山下另覓夫肩行李  
從陸行言西山下有湖可遊欲與余同泛也蓋中所當彌苴  
佐江出峽之始其地平沃居屯甚盛築堤導江爲中流所東  
山之下有水自焦石洞下沿東山經龍王廟前匯爲東湖流  
爲閩地江是爲東流所西山之下有水自鐘山石穴中東出

遊記 八册上  
滇八

八

爲綠玉池南流爲羅蔣江是爲西流所故其地亦有三江之  
名然練城之三江合流此所之三江分流雖同南行注洱海  
而未嘗相入也余與劉君先西過大石梁乃跨彌苴佐江上  
者西行脰中一里有橋跨小溪上卽羅蔣江也橋之北水塘  
潏灑青蒲蒙茸橋之南溪流如線蛇行兩畦間因踞橋待舟  
北望梅花邨綠玉池在里外而隔浦路濕舟至便行竟不及  
北探也此地名中所東山之東羅川之上亦有中所乃卽此  
地之分屯也余昔自雞山西下所托宿處大約此地正東與  
雞鳴寺西與鳳羽舍上盤相對但各間一山脊耳橋西諸山  
皆土而峭削殊甚時多崩圯鐘山峙橋西北溪始峙橋正西



蓋鐘山突而東，溪始環而西，溪始之上，有水一圍，滙絕頂間，東南墜峽而下，高挈衆流之祖，故以溪始名。下舟隨溪遵其東麓南行，兩旁塍低於溪，壅岸行水於中，其流雖小而急。此處小舟如葉，止受三人，其中彌苴，二里則兩岸漸平，而走沙中，佐江似可通大舟，而流急莫從。壅舟膠不前，劉君與余乃登岸行隴，舟人乃凌波曳舟五里，乃復下舟，少曲而西，半里遂南挺而下湖，湖中菱蒲汎汎，多有連蕪爲畦，植柳爲岸，而結廬於中者，汀港相間，曲折成趣，深處則曠然展鏡，夾處則窅然罨畫，脩脩有江南風景，而外有四山環翠，覺西子湖又反出其下也。湖中渚田甚沃，種蒜大如拳，而味異，鶯粟花連疇，接隴於黛柳鏡波之間，景趣殊

遊記

八册上  
滇八

九

勝三里湖盡，西南瞻鄧州治，當山腋曲間，居廬不甚盛，而無城，其右有崩峽倒衝之，昔年遷於德源城，以艱於水，復還故處，大路在湖之東，彌苴佐江西岸，若由陸路行，不復知此中有湖，併湖中有此景也。又南行港間一里餘，有路自東橫亘於西山，卽達州治之通道也。堤之下，連架三橋以洩水，舟由堤北東行一里，穿橋而南，又半里，有小橋曰三條橋，卽北從中所來之大道也。水穿橋東，路度橋南，俱南向行，初約顧僕以行李待此而不在，劉君臨岐踟躕，時已過午，腹餒，余揮手別劉君，令速返，余遵大道南行，始見路東有小山橫亘塢中，若當門之檻，截塢而出者，是爲德源城，蓋古跡也。按志昔六詔未



一南詔延五詔長爲星回會鄧賧詔之妻勸夫莫往曰此詔也必有變以鐵環約夫臂而行後五詔俱焚死遺屍莫辨獨鄧賧以臂約詔之還後有欲強妻之復以計詔之得自盡不爲所污故後人以德源旌之

山橫塢中不甚高而東西兩端各不屬於大山山之西與臥牛相夾則羅蔣江與鄧川驛路從之山之東與西山灣山相夾則彌苴佉悶地二江從之南三里從其西峽傍臥牛山東突之嘴行臥牛山者鄧川東下南砂之臂也一大峰一小峰相屬而下大者名臥牛小者名象山土人以象小而牛大今俱呼爲象山云奏峽之間有數十家當道是爲鄧川驛過驛一里上盤西山之嘴始追及僕擔遂南望洱海直上關而北而德源橫亘之南尚有平疇南接海濱德源山之東大山南下之脊至是亦

遊記 八册上

滇八

十

低伏東轉而直接海東大山蓋萬里之脉至洱海之北而始低渡云由嘴南仍依西山南下二里下度一峽口其峽自西山出橫涉之而南上坡間又二里有坊當道逾坡南行始與洱海近共五里西山之坡東向而突海中是爲龍王廟南崖之下有油魚洞西山腋中有十里香奇樹皆爲此中奇勝而南瞻沙坪去坡一里而遙急令僕擔先覓寓具食余并探此而後中食乃從大路東半里下至海崖其廟東臨大海有漁戶數家居廟中廟前一坑下墜架石度其上如橋從石南墜坑下文餘其坑南北橫二丈東西闊八尺其下再嵌而下則水貫峽底小魚千萬頭襍沓於內漁人見余至取飯一掌撒



則羣叢而嘖之。蓋其下亦有細穴潛通洱海，但無大魚，不過如指者耳。油魚洞在廟崖曲之間，水石交薄，崖內遜而抱水，東向如缺，崖下插水中，崆峒透漏，每年八月十五，有小魚出其中，大亦如指，而周身俱油，爲此中第一味。過十月，復烏有矣。崖之後，石聳片如芙蓉裂瓣，從其隙下窺之，多有水漱其底，蓋其下皆潛通也。稍西上，有中窪之岩當路左，其東崖漱根，亦有水外通，與海波同爲消長焉。從其側交大路而西逾坡，不得路，望所謂三家邨者，尙隔一箐踞西峽間，乃西半里越坡而下，又西半里，涉箐而上，乃沿西山南向而趨，一里漸得路，轉入西腋半里，抵三家邨。問老嫗，指奇樹在邨後田間。

遊記

八册上  
滇八

十一

又半里至其下，其樹高臨深岸，而南榦半空，轟然挺立，大不及省城土主廟奇樹之半，而葉亦差小，其花黃白色，大如蓮，亦有十二瓣，按月而開，增一瓣，與省會之說同，但開時香聞遠甚，土人謂之十里香，則省中所未聞也。榆城有風花雪月四大景，下關風，上關花，蒼山雪，洱海月。上關以此花著，按志榆城異產，有木蓮花，而不注何地，然他處亦不聞，豈卽此耶？花自正月抵二月終，乃謝時已無餘瓣，不能聞香，見色惟撫其本，辨其葉而已，乃從邨南下坡，共東南二里，而至沙坪，聚落夾衢，入邸舍。

晚滄已熟，而劉君所倩擔夫已去，乃別倩爲早行計。

十一日早炊，平明夫至，乃行。由沙坪而南，一里餘，西山之支。



又橫突而東，是爲龍首關。蓋點蒼山北界之第一峰也。鳳羽南行，度花甸哨南嶺，而東北轉者，爲龍王廟後諸山。迤邐從鄧川之臥牛溪始，而北盡於天馬南峙者，爲點蒼而東，垂北顧，實始於此，所以謂之龍首。一統志列點蒼十九峰次第自南而北，則是反以龍尾爲首也。當山垂海錯之處，鞏城當道，爲榆城北門鎖鑰，俗謂之上關。以據洱海上流也。入城北門，半里出南門，乃依點蒼東麓南行，高眺西峰，多墜坑而下，蓋後如列屏，前如連袂，所謂十九峰者，皆如五老比肩，而中墜爲坑者也。南二里，過第二峽之南，有邨當大道之右，曰波羅邨。其西山麓有蛺蝶泉之異，余聞之已久，至是得土人西指，乃令僕擔先趨三塔寺，投何巢

遊記 八册上  
滇八

十二

阿所棲僧舍，而余獨從邨南西向望山麓而馳，半里有流泉淙淙，溯之又西半里，抵山麓，有樹大合抱，倚崖而聳立，下有泉，東向激根竅而出，清冽可鑒，稍東，其下又有一小樹，仍有一小泉，亦激根而出，二泉滙爲方丈之沼，卽所溯之上流也。泉上大樹，當四月初卽發花如蛺蝶，鬚翅栩栩然，與生蝶無異。又有真蝶千萬，連鬚鈎足，自樹巔倒懸而下，及於泉面，繽紛絡繹，五色煥然，遊人俱從此月羣而觀之。過五月乃已。余在粵西三里城，陸叅戎卽爲余言其異，至此又以時早未花，詢土人，或言蛺蝶卽其花所變，或言以花形相似，故引類而來。未知孰是。然龍首南北相距，不出數里，有此二奇葩，一恨於



已落一恨於未蕊皆不過一月而各不相遇乃折其枝圖其葉而後行已望見山北第二峽其口對逼如門相去不遠乃北上躡之始無路二里近峽南乃得東來之道緣之西向上躡其坡甚峻路有樵者問何往余以尋山對一人曰此路從峽南直上乃樵道無他奇南峽中有古佛洞甚異但懸崖絕壁恐不能行無引者亦不能識又一老人欣然曰君旣萬里而來不爲險阻余何難前導余乃解長衣併所折蚨蝶枝負之行共西上者三里乃折而南又平上者三里復西向懸躡又二里竟凌南峽之上乃第三峽也於是緣峽上西行上下皆危崖絕壁積雪皚皚當石崖間旭日映之光艷奪目下瞰

遊記

八冊上  
滇八

十三

南峰與崖又駢峙成峽其內墜壑深杳其外東臨大道有居廬當其平豁之口甚盛以此崖南下俱削石故必由北坡上而南轉西入也又西上二里崖石愈巖巖對崖亦穹環駢連蓋前猶下崖相對而至此則上峰俱迴合矣又上一里盤崖漸北一石橫度足下而上崖飛騫刺空下崖倒影無底導者言上崖腋間有洞曰大水下崖腋間有洞曰古佛而四眺皆無路導者曰此度石昔從上崖墜下橫壓下洞之上路爲之塞遂由度石之西攀枝直墜其下果有門南向而上不能見也門若裂罅高而不闊中分三層下層墜若管井俯窺杳黑而不見其底昔曾置級以下憐燈而入甚深今級廢燈無不



能下矣。中層分瓣排檣，內深三丈，石潤而潔，洞狹而朗，如披帷踐榭，坐其內，隨峽引眺，正遙對海光，而洞門之上有中垂之石，儼如龍首，倒懸寶絡，中挂上層，在中洞右崖之後，盤空上透，望頗窈窕，而中洞兩崖中削，內無從上，其前門夾處，兩崖中湊，左崖前削，石痕如猴少刻，其端首大如卵，可踐，猴首飛度右崖以入上洞，但右崖欹側，與左崖雖中懸二尺餘，手無他援，而猴首之足亦僅點半趾，躍陟甚難。昔亦有橫板之度，而今無從覓，余宛轉久之，不得度而下。導者言數年前有一僧棲此崖間，多置佛故，以古佛名，自僧去，佛移其疊級架，梯亦久廢，無存，今遂不覺閉塞，余謂不閉塞不奇也，乃復上。

遊記 八册上  
滇八

十四

度石從其門，捫崖直上，崖亦逆隙成門，門亦南向，高而不闊，與下洞同，但無其層疊之異。峽左石片下垂，擊之作鐘鼓聲，北向入三丈，峽窮而躡之，上有窪當後壁之半，外聳石片，中刻如壘，曰以手摸之內圓而底平，乃天成貯泉之器也。其上，有白痕自洞頂下垂，其中如玉龍倒影，乃滴水之痕，曰側有白磁一，乃昔人置以飲水者，觀玩既久，乃復下。度石導者乃取樵，後峽去，余乃仍循崖東下，三里當南崖之口，路將轉北，見其側亦有小岐，東向，草石間可免北行之迂，乃隨之下，其下甚峻，路屢斷，屢續，東下三里，乃折而南，又平下三里，乃及麓，渡東出之澗，澗南有巨石高穹，攸者多踞其上，見余自北。



崖下爭覘眺之不知爲何許人也又南一里半及周城邨後  
乃東出半里入夾路之衢則龍首關來大道也時腹已餒問  
去榆城道尚六十里亟竭蹶而趨遙望洱海東灣蒼山西列  
十九峰雖比肩連袂而大勢又中分兩重北重自龍首而南  
至洪圭其支東拖而出又從洪圭後再起爲南重自無爲而  
南至龍尾關其支乃盡洪圭之後卽有峽西北通花甸洪圭  
之前其支東出者爲某邨又東錯而直瞰洱海中爲鵝鼻嘴  
卽羅刹石也不特山從此疊兩重而海亦界爲兩重焉十三  
里過某邨之西西瞻有路登山爲花甸道東瞻某邨居廬甚  
富又南逾東拖之岡四里過二鋪又十五里而過頭鋪又十

遊記

八册上  
滇八

十五

三里而至三塔寺入大空山房則何巢阿同其幼子相望於  
門僧覺宗出酒沃飢而後飯夜同巢阿出寺徘徊塔下踞橋  
而坐松陰塔影隱現於雪痕月色之間令人神思悄然

十二日覺宗具騎犂滄侯何君同爲清碧溪遊出寺卽南向  
行三里過小紙房又南過大紙房其東卽都城之西門其西  
山下卽演武塲又南一里半過石馬泉泉一方在坡岫間水  
從此溢出馮元成謂其清冽不減慧山甃爲方池其上有廢  
址皆其遺也志云泉中落日照見有石馬故名又南半里爲  
一塔寺前有諸葛祠并書院又南過中和玉扇二峰六里渡  
一溪頗大又南有峰東環而下又二里盤峰關之南乃西向



覓小徑入峽。峽中西望重峰，層映最高一峰。當其後有雪痕一派，獨高垂如疋練。界青山有溪，從峽中東注，卽清碧之下流也。從溪北躡岡西上，二里有馬鬣在左岡之上，爲阮尚賓之墓。從其後西二里，躡峻凌崖，其崖高穹溪上，與對崖駢突如門。上聳下削，溪破其中，出從此以內，溪嵌於下，崖夾於上，俱逼仄深窅。路緣崖端，挨北峰西入，一里餘，馬不可行，乃令從者守馬溪側，顧僕亦止焉。余與巢阿父子同，兩僧溯溪入，屢涉其南北，一里有巨石蹲澗旁，兩崖巉石俱堆削如來。西眺內門，雙聳中竅，僅如一綫。後峰垂雪，正當其中，掩映層疊如挂幅中垂，幽異殊甚。覺宗輒解筐酌酒，凡三勸酬。復西半

遊記 八册上  
滇八

十六

里，其水搗峽瀉石間，石色光膩，文理燦然，頗饒煙雲之致。於是盤崖而上，一里餘，北峰稍開，得高穹之埤。又西半里，自坪西下，復與澗遇，循澗西向半里，直逼夾門下，則水從門中突崖下墜，其高丈餘而下，爲澄潭。潭廣二丈餘，波光瑩映，不覺其深而突崖之槽爲水所洄，高雖丈餘，膩滑不可着足。時余狎之不覺，見二僧已逾上崖，而何父子欲從澗北上，余獨在潭上覓路不得，遂躡峰槽與水爭道，爲石滑足，與水俱下，傾注潭中。水及其項，亟躍而出，踞石絞衣，攀北崖登其上下，瞰余失足之槽，雖高丈餘，其上槽道曲折如削，膩滑尤甚。卽上其初層，其中升降更無可階也。再踰西崖下，巖其內有潭，方



廣各二丈餘其色純綠漾光浮黛照耀崖谷午日射其中金碧交蕩光怪得未曾有潭三面石壁環竊南北二面石門之壁其高參天後面卽峽底之石高亦二三丈而脚嵌巖突下與兩旁聯爲一石若剖半盞竝無纖隙透水潭中而突巖之上如簷覆潭者亦無滴瀝拋崖下墜而水自潭中輒東面而溢轟倒槽道如龍破峽余從崖端俯而見之亟攀崖下墜踞石坐潭上不特影空人心覺一毫一孔無不瑩徹亟解溼衣曝石上就流濯足就日曝背冷堪滌煩暖若挾纊何君父子亦百計援險至相叫奇絕久之崖日西映衣亦漸乾乃披衣復登崖端從其上復西逼峽門卽潭左環崖之上其北有覆

遊記

八册上  
滇八

十七

崖度空可當亭榭之憩前有地如掌平甃若臺可下瞰澄潭而險逼不能全見旣前余欲從其內再窮門內二潭以登懸雪之峰何君輩不能從亦不能阻但云余輩當出待於休馬處余遂轉北崖中垂處西向直上一里得東來之道自高穹之坪來遵之曲折西上甚峻一里餘逾峽門北頂復平行而西半里其內兩崖石壁復高駢夾起門內上流之澗仍下嵌深底路傍北崖削壁無痕不能前度乃以石條緣崖架空度爲棧道者四五丈是名陽橋又曰仙橋橋之下正門內之第二潭所滙爲石所虧蔽不及見度橋北有疊石貼壁間稍北疊石復北斷乃越其級南墜澗底底有小水蛇行塊石間乃



西自第一潭注第二潭者時第二潭已過而不知祇望澗中  
西去兩崖又駢對如門門下又兩巨石夾峙上有石平覆如  
屋而塞其後覆屋之下又水瀦其中亦澄碧淵渟而大不及  
外潭之半其後塞壁之上水從上澗垂下其聲潺潺不絕而  
前從塊石間東注二潭矣余急於西上遂從澗中歷塊石而  
上澗中於是無纖流然塊石經衝滌之餘不特無汚染而更  
光膩小者踐之巨者攀之更巨者則轉夾而梯之上矚兩崖  
危矗直夾彌極雄厲漸上二里礪石高穹滑不能上乃從北  
崖轉陟箐中崖根有小路爲密箐所翳披之而行又二里聞  
人聲在絕壁下乃樵者拾枯於此捆縛將返見余言前已無

遊記 八册上  
滇八

十八

路不復可逾余不信更從叢篁中披陟而西上其處竹形漸  
大亦漸密路斷無痕余莽披之去巾解服攀竹爲繩復逾里  
餘其下壑底之澗又環轉而北與垂雪後峰又界爲兩重無  
從竟升聞清碧澗有路可逾後嶺通漾鼻豈尙當從澗中歷  
塊耶時已下午腹餒甚乃亟下則負芻之樵猶匍匐箐中遂  
從舊道五里過第一潭隨水而前觀第二潭其潭當夾門逼  
東之內左崖卽陽橋高橫於上乃從潭左攀磴隙上陽橋逾  
東嶺而下四里至高穹之坪望西澗之潭已無人跡亟東下  
沿溪出三里至休馬處何君輩已去獨留顧僕守飯於此遂  
斃之東出三里半過阮墓從墓右下渡澗由澗南東向上嶺



路當南逾高嶺乃爲感通間道。余東逾其餘支三里下至東麓之半。牧者指感通道須西南逾高脊乃得。復折而西南上躋望崖而登。竟無路可循也。二里登嶺頭乃循嶺南西行。三里乃稍下。度一峽轉而南。松檜翳依。淨宇高下。是爲宕山。而感通寺在其中焉。蓋三塔感通各有僧廬三十六房。而三塔列於兩旁。總以寺前山門爲出入。感通隨崖逐林各爲一院。無山門總攝而正殿所在。與諸房等。正殿之方丈有大雲堂。衆俱以大雲堂呼之而已。時何君輩不知止於何所。方逐房探問。中一房曰斑山。乃楊升菴寫韻樓故址。初聞何君欲止此。過其門方建醮設法於前。知必不在。乃不問而去。後有人

遊記 八册上  
滇八

十九

追至留還其房。余告以欲覓同行者。其人曰。余知其所止。必歛齋而後行。余視其貌似曾半面而忘從何處。諦審之。知爲王賡虞。乃衛侯之子。爲大理庠生。向曾於大覺寺會於遍周師處者也。今以其祖母忌辰。隨其父來修薦於此。見余過。故父子相諭而挽留。留余飯焉。飯間何君亦令僧來招。旣飯而暮。遂同招者過大雲堂前。北上得何君所止靜室。復與之席地而飲。夜月不如前日之皎。

十三日與何君同赴齋別房。因遍探諸院。時山鶻花盛開。各院無不燦然。中庭院外。喬松修竹。間以茶樹。樹皆高三四丈。絕與桂相似。時方採摘。無不架梯升樹者。茶味頗佳。炒而復



曝不免黝黑已入正殿山門亦宏敞殿前有石亭中立我大

祖高皇帝賜僧

無極

歸雲南詩十八章前後有御跋此僧自雲

南入朝以白馬茶樹獻高皇帝臨軒見之而馬嘶花開遂蒙  
厚眷後從大江還故土帝親灑天龍以江行所過各賦一詩  
送之又令諸翰林大臣皆作詩送歸今宸翰已不存而詩碑  
猶當時所鐫者李中谿大理郡志以奎章不可與文獻同輯  
竟不之錄然其文獻門中亦有御製文何獨詩而不可同輯  
耶殿東向大雲堂在其北僧爲瀹茗設齋已乃由寺後西向  
登嶺覓波羅巖寺後有登山大道二一直上西北由清碧溪  
南峰上十五里而至小佛光寨疑與昨清碧溪中所望雪痕

遊記

八册上  
滇八

二十

中懸處相近卽後山所謂筆架山之東峰矣一分岐向西南  
溯寺南第十九澗之峽北行六里而至波羅巖波羅巖者昔  
有趙波羅棲此朝夕禮佛印二足跡於方石上故後人卽以  
波羅名波羅者乃此方有家道人之稱其石今移大殿中爲  
拜臺時余與何君喬梓騎而行離寺卽無樹其山童然一里  
由岐向西南登四里逾嶺而西其嶺亦南與對山夾澗爲門  
者澗底水細不及清碧而內峽稍開亦循北山西入又一里  
北山有石橫疊成巖南臨深壑壑之西南大山前抱如屏插  
天而尖峰齒齒列其上遙數之亦得十九又蒼山之具體而  
微者巖之西有僧構室三楹庭前疊石明淨引水一龕貯巖



石下亦饒幽人之致。僧瀹茗炙麵爲餌以啖客。久之乃別從舊路六里。過大雲堂。時覺宗相待於斑山。乃復入而觀寫韻樓。樓已非故物。今山門有一樓。差可以存跡。問升菴遺墨。尙有二扁。寺僧恐損剝。藏而不揭也。僧復具齋。強吞一盃而別。其前有龍女樹。樹從根分挺三四大株。各高三四丈。葉長二寸半。闊半之。而綠潤有光。花白。小於玉蘭。亦木蓮之類。而異其名。時花亦已謝。止存數朶在樹杪。而高不可折。余僅折其空枝以行。於是東下坡五里。東出大道。有二小塔峙而夾道。所出大道卽龍尾關達郡城者也。其南有小邨曰上陸。去郡尙十里。乃遵道北行。過七里五里二橋。而入大理郡城南門。空山房而宿。

遊記

八冊上  
滇八

三十一

經大街而北。過鼓樓。遇呂夢熊使者。知夢熊不來。而乃郎已至。以暮不及往。乃出北門。過弔橋。而北折而西北。二里入大空山房而宿。

十四日觀石於寺南。石工家。何君與余各以百錢市一小方。何君所取者有峰巒點綴之妙。余取其黑白明辨而已。因與何君遍遊寺殿。是寺在第十峰之下。唐開元中建。名崇聖寺。前三塔鼎立。而中塔最高。形方累十二層。故今名爲三塔塔。四旁皆高松參天。其西由山門而入。有鐘樓。與三塔對勢。極雄壯。而四壁已頽。簷瓦半脫。已岌岌矣。樓中有鐘極大。徑可丈餘。而厚及尺。爲蒙氏時鑄。其聲聞可八十里。樓後爲正殿。



殿後羅列諸碑而中谿所勒黃華老人書四碑俱在焉其後  
爲雨珠觀音殿乃立像鑄銅而成者高三丈鑄時分三節爲  
範肩以下先鑄就而銅已完忽天雨銅如珠衆共掬而鎔之  
恰成其首故有此名其左右迴廊諸像亦甚整而廊傾不能  
蔽焉自後歷級上爲淨土菴卽方丈也前殿三楹佛座後有  
巨石二方嵌中楹間各方七尺厚寸許北一方爲遠山闊水  
之勢其波流瀦折極變化之妙有半舟皮尾煙汀間南一方  
爲高峰疊障之觀其氤氳淺深各臻神化此二石與清真寺  
碑跌枯梅爲蒼石之最古者清真寺在南門內二門有碑屏  
一座其北跌有梅一株倒撇垂  
跌間石色黯淡而枝痕  
飛白雖無花而有筆意新石之妙莫如張順寧所寄大空山

遊記 八册上  
滇八

二十二

樓間諸石中有極其神妙更逾於舊者故知造物之愈出愈  
奇從此丹青一家皆爲俗筆而畫苑可廢矣張石大徑二尺  
約五十塊塊塊  
皆奇俱絕妙着色山水危峰斷壑飛瀑隨雲雪崖映水層疊  
遠近筆筆靈異雲皆能活水如有聲不特五色燦然而已  
其後又有正殿庭中有白山茶一株花大如紅茶而瓣簇如  
之花尙未盡也淨土菴之北又有一菴其殿內外庭除俱以  
蒼石鋪地方塊大如方磚此亦舊製也而清真寺則新製以  
爲欄壁之用焉其菴前爲玉皇閣道院而路由前殿東鞏門  
入紺宮三重後乃爲閣而竟無一黃冠居守中空戶地令人  
悵然

十五日是日爲街子之始蓋榆城有觀音街子之聚設於城



西演武場中其來甚久自此日始抵十九日而散十三省物無不至滇中諸彝物亦無不至聞數年來道路多阻亦減大半矣晨澆後何君以騎同余從寺左登其祖塋過寺東石戶卽止餘環堵數十圍而人戶俱流徙已盡以取石之役不堪

其累也

寺南北俱有石工數十家今惟南戶尙存取石之處由無爲寺而上乃點蒼之第八峰也鑿去上層乃得

佳者又西上二里半乃登其塋脉自峰頂連珠下墜前以三塔

爲案頗有結聚環護之勝還二里至寺後轉而南過李中谿墓乃下馬拜之中谿無子年七十餘自營此穴傍寺以爲飯依而孰知佛宇之亦爲滄桑耶由西石戶卽入寺飯同巢阿趨街子且欲入城訪呂郎而中途雨霰大作街子人俱奔還余輩亦隨之還寺

遊記

八冊上  
滇八

二十三

十六日巢阿同乃郎往街子余由西門入叩呂夢熊乃郎訊其寓得於關帝廟前蓋西城內之南隅也時已同劉陶石往街相馬矣余乃仍由西門西向一里半入演武場俱結紉爲市環錯紛紜其北爲馬場千騎交集數人騎而馳於中更隊以覘高下焉時男女襍沓交臂不辨乃遍行場市巢阿買文已返劉呂物色無從遇覺宗爲飲於市且覓麪爲飯觀場中諸物多藥多氊布及銅器木具而已無足觀者書乃吾鄉所刻卹塾中物及時文數種無舊書也旣暮返寺中

十七日巢阿別而歸約余自金騰東返仍同盡點蒼之勝目



下恐漸熱先爲西行可也送至寺前余卽南入城遇劉陶石及沙坪徐孝廉知呂郎已先往馬場遂與同出已遇呂知買馬未就旣而辭呂觀永昌賈人寶石琥珀及翠生石諸物亦無佳者仍覓麪爲飯飯後覓顧僕不得乃返寺而顧僕已先在矣

十八日由東門入城定巾買竹箱修舊篋再過呂寓叩劉呂二君呂命其僕爲覓擔夫余乃返

十九日早過呂寓二君留余飯同劉君往叩王賡虞父子蓋王亦劉戚也家西南城隅內其前卽清真寺寺門東向南門內大街寺乃教門沙氏所建卽所謂回回堂也殿前檻陞窓

遊記 八册上  
滇八

二十四

檻之下俱以蒼石代板如列畫滿堂俱新製而獨不得所謂古梅之石還寺所定夫來索金加添余不許有寺內僧欲行余索其定錢仍指不卽還令顧僕往追抵暮返日彼已願行矣

二十日晨起候夫不至余乃以重物寄覺宗令顧僕與寺僧先行余仍入清真寺觀石碑上梅痕乃枯槎而無花白紋黑質尙未能如張順寧所寄者之奇也出南門遂與僧僕同行遵西山而南過五里七里二橋又三里過感通寺前入道其南有三四家夾道自上睦又南則西山巍峩之勢少降東海灣環之形漸合十里過陽和鋪又十里則南山自東橫亘而



西海南盡於其麓穿西峽而去西峽者南卽橫亘之山至此愈峻北卽蒼山至此南盡中穿一峽西去甚逼而峽口稍曠乃就所穿之溪城其兩崖而跨石梁於中以通往來所謂下關也又名龍尾關關之南則大道東自趙州西向漾濞焉旣度橋出關南遂從溪南西向行三里南北兩山俱逼湊水搗其中如線遙睇其內崇峰北遶蒼山之背壁立彎環掩映殊異破峽而入又二里南峰俱成石壁倒壓溪上北峰一支如渴兕下赴兩崖相粘中止通一綫剖石倒崖始行峽中繼穿石下峽相距不盈四尺石梁橫架其西長丈五尺而狹僅尺餘正如天台之石梁南崖亦峻不能通路出南崖上俯而瞰

遊記 八册上  
滇八

二十五

之毛骨俱悚又西里餘折而北其溪下嵌甚微又北風雨大至北三里餘數家倚西山下是爲潭子鋪其地爲趙州屬北五里轉而西又北十五里有溪自西峽來入是爲核桃箐渡箐溪又北五里有三四家倚西山下是爲茅草房溪兩旁至此始容斲崖之膝然猶栝捲之綴於箐底也是日榆道自漾鼻下省趙州大理蒙化諸迎者蹀躞雨中其地去四十里橋尚五里計時纔下午恐橋邊旅肆爲諸迎者所據遂問舍而托焉亦以避雨也

二十一日雞再鳴促主者炊起而候飯天明乃行雲氣猶勃勃也北向仍行溪西三里餘有亭橋跨溪上亭已半圯水沸



橋下甚急是爲四十里橋橋東有數家倚東崖下皆居停之店此地反爲蒙化屬蓋橋西爲趙州其山之西爲蒙化橋東亦爲蒙化其山之東爲太和犬牙之錯如此至是始行溪東傍點蒼後麓行七里餘有數十家倚東山而廬夾路成巷是爲合江鋪至是始望西北峽山橫裂有山中披爲隙其南者余所從來峽也其北來者下江嘴所來漾濞峽也其西南下而去者二水合流而下順寧之峽也峽形雖遙分而溪流之會合尚深嵌西北峽中此鋪所見猶止南來一溪而已出鋪北東山餘支垂而西突路北逾之遂併南來溪亦不可見蓋餘支西盡之下卽兩江會合處而路不由之也西北行坡嶺

遊記

八册上  
滇八

二十六

者四里始有二小流自東北兩峽出旣而盤曲西下一澗自東北峽來者差大有亭橋跨之亭已半圯是爲亨水橋蓋蒼山西下之水此爲最大亦西南合於南北二水交會處然則合江之稱實三流不止漾水瀨水而已也從橋西復西北逾一小嶺共一里始與漾水遇其水自漾瀨來經此卽南與天生橋之水合破西南山峽去經順寧泮山而下瀾滄江路溯其東岸行其東山亦蒼山之北支也其西山乃羅均南下之脉至此而迤邐西南盡於順寧之泮山北行五里有邨居夾而成巷爲金牛屯出屯北有小溪自東山出架石梁其上側有石碑拭而讀之乃羅近溪所題石門橋詩也題言石門近



在橋左因矯首東望忽雲氣逆坻露出青芙蓉兩片插天拔地駢立對峙其內崇巒疊映雲影出沒令人神躍亟呼顧僕與負僧而二人已前遙追之二里乃及方欲強其還而一僧旁伺問之卽石門旁藥師寺僧也言門上有玉皇閣又有二洞明敞可居欣然願爲居停主乃東向從小路導余五里抵山下過一邨卽藥師寺也遂停杖其中其僧名性嚴坐余小閣上摘蠶豆爲餉時猶上午余欲登山性嚴言玉皇閣躡峰而上十里餘且有二洞之勝須明晨爲竟日遊今無及也蓋性嚴山中事未完旣送余返寺遂復去且以匙鑰置余側余時慕石門奇勝煢飯卽扃其閣東南望石門而趨皆荒翳斷

遊記  
八册上  
滇八

二十七

塍竟不擇道也二里見大溪自石門出溪北無路入乃下就溪中溪中多巨石多奔流亦無路入惟望石門近在咫尺上下逼湊駢削萬仞相距不逾二丈其頂兩端如一其根止容一水蓋本一山外屏直從其脊一刀中剖而成者故旣難爲陸陟復無從溯溪徘徊久之乃渡溪南反隨路西出久之得一徑東向復從以入將及門下復渡溪北溪中縛木架巨石以渡知此道乃不乏行人甚喜過望益東逼門下叢篁覆道道分爲二一東躡坡磴一南下溪口乃先降而就溪則溪水正從門中躍出有巨石當門扼流分爲二道襲之而下北則漫石騰空作珠簾狀而勢甚雄南則嵌槽倒隙爲懸霽形而



勢甚束，皆高二丈餘，兩旁石皆逼削，無能上也。乃復上就東岐躡磴，已又分爲二：一北上躡坡，一南凌溪石，乃先就溪凌石，其石大若萬斛之舟，高泛溪中，其根四面俱湍波潏激，獨西北一徑懸磴而上，下瞰卽珠簾所從躍出之處。上眺則石門兩崖，劈雲削翠，高駢逼湊，真奇觀也。但門以內則石崩水湧，路絕不通，乃復上就北岐躡磴，始猶藤箐蒙茸，旣乃石崖聳突，半里路窮，循崖南轉，飛崖倒影，上逼雙闕，下臨絕壑，卽石門之根也。雖猿攀鳥翥不能度而入矣。久之，從舊路返藥師寺，窮日之力，可併至玉皇閣。姑憇而草記，留爲明日遊。

二十二日晨起候飯，性嚴束，火負錫，摘豆裹米，令僧僕分攜。

遊記 八冊上  
滇八

二十八

乃從寺後東向登山，二里轉而南向，循山腰上，二里復隨峽轉東，一里從峽盡處南轉逾嶺，一里路分二岐：一東上者爲花椒菴石洞道，一南上者一里而逾石門之上，此石門之北崖也。所登處已在門之內，對瞰南崖崩削之狀，門底轟沸之形，種種神旺，獨所踞崖端危險，不能返觀，猶覺未能兩盡也。東眺門以內，峽仍逼束，水自東南嵌底而來，其正東有山一支，巍然中懸，恰對峽門，而玉皇閣卽踞其上，尙不能遙望得之。蓋其內木石皆密，非如外峰，可以一覽盡耳。於是緣岡脊東上，一里南與峽別，折而東北上，半里峭間有頽垣遺構，爲玉峰寺廢址。玉峰者，萬歷初僧石光所建，藥師乃其下院，而



性巖卽其後嗣也其後又有一廢址曰極樂菴從其後復轉向東南上半里再與東峽遇乃緣支峽東向行古木益深半里支峽東盡乃南渡其上復北轉共二里而得玉皇閣閣南向石門而遙東臨峽壁而逼初剏於朱史二道人一僧三賢擴而大之今前樓之四壁俱頽後閣之西角將仆蓋岌岌矣閣東有臺下臨絕壑其下有洞爲二道靜修處時二僧及僕俱然火覓泉將爲炊余不及覓洞先從閣援石獨上蓋遙望峽後大山上聳三峰者衆皆指爲筆架峰謂卽東南清碧溪後主峰余前由四潭而上曾探其陽茲更欲一窮其陰以盡石門澗水之源竟不暇招同行者而同行僧僕亦不能從余遂賈勇直前二里山石旣窮而土峰峻甚乃攀樹三里山樹亦盡漸陟其頂層巖而上登一頂復起一頂頂皆燒茅流土無復棘翳惟頂岫間時叢木一區棘翳隨之余從嶺脊燒痕處行虎跡齒齒印沙土間連上數頂始造其極則猶然外峰也始知蒼山前後共峰兩重東峙者爲正峰而形如筆架者最高西環者南從筆架北從三塔後正峰分支西夾臂合而前湊爲石門但其中俱崩崖墜派不復開洋俱下盤夾箐水嵌其底木叢其上余從峰頭東瞰筆架山之下有水懸搗澗底其聲沸騰其形夭矯而上下俱爲叢木遙窺不能得其全此卽石門之源矣又從外嶺北行見其北又分支西下卽漾



凜驛北之嶺西盡於漾凜橋者也時日色正午開霽特甚北  
瞻則鳳羽之西有橫山一抹自西北斜亘而來者向從沙溪  
南望斜亘其西南爲橋後水口者也劍川之路溯之北入南  
眺則潭子鋪西之山南截漾凜二水之口爲合江鋪者大理  
之路隨之北來西覽則橫嶺鋪之脊排闥西界北接斜亘之  
嶺南隨合江西下永昌之路逾之西向惟東面內峰截巖榆  
城卽在東麓而間隔莫逾一以峰高崖陡攀躋旣難一以山  
劃兩重中等深陷降陟不易聞此山北峪中有大堡白雲寺  
可躋內峰絕頂又南逾筆架乃東下清碧溪大堡之路當卽  
從分支西下之嶺循度脊而上無此中塹之箐沐西平征大

遊記 八册上  
滇八

三十

理出點蒼後立旗幟以亂之卽由此道上也憑眺久之乃循  
舊跡下三里忽悞而墜西北支路絕崖欹無從懸墜且空山  
杳隔莫辨真形竟不知玉皇閣所倚之支在南在北也疑尚  
瀕南澗箐中而澗中多岐且峻崖絕坂橫度更難有棘則蒙  
翳無棘則流圯方徘徊間雨復乘之忽聞南箐中有呼噪聲  
知玉皇閣在其下余亦漫呼之已遙相應而尙隔一箐樹叢  
不可見路絕不可行盤箐之上腋二里始得石崖於是攀隙  
墜空始無流墜之恐而雨傾如注又一里而出玉皇閣之右  
炊飯已寒重沸湯而食之閣左少下懸崖之間有洞南向下  
臨深澗乃兩巨石合掌而成者洞高一丈下闊丈五而上合



尖其深入約及數丈而底甚平其石質粗糲洞形亦無曲折之致取其通明而已洞前石崖上下危削古木倒盤霏煙攬翠俯掬轟流令人有杳然別天之想時雨已復霽由舊路轉北而下三里至玉峰寺舊址由岐下北壑轉峽度塢一里餘而得花椒菴石洞洞亦巨石所覆其下半疊石盤半度空中空處浮出二三丈上下亦離丈餘而平皆如砥惟北粘下盤之上而東西南三面俱虛簷如浮舫今以碎石隨其簷而窒之祇留門西向而置佛於中其前架樓三楹而反無壁若以窒洞者窒樓則洞與樓兩全其勝矣其北又一巨石隆起下有泉出其隙間若爲之供者此地境幽塢繞水石錯落亦棲

遊記 八册上  
滇八

三十一

真之地龕中器用皆備而寂無居人戶亦設而不闕余愧行脚不能留此爲悵然而去乃西向平下一里卽石門北頂北來之道向所由上者又北六里而返藥師途中遇一老人負桶數枚下山卽石洞所棲之人每日登山箍桶晚負下山鬻以爲食亦不能夜宿洞間也

二十三日晨起爲性嚴作玉皇閣募緣疏因出紙請書余書而後朝食山雨忽作因停屐待之近午雨少殺余換草履性嚴披氈送之出藥師殿門卽北行二里涉一枯澗其澗自東北山麓出下嵌甚深蒼山之後至此又西北一里矣旣渡西北上西紆之坡一里逾其上始見其西開一東西塢漾溷之



水從其中東注之西向平下。其二里山南有數十家當大路是爲漾鼻驛。別送僧西行溪北田塍中。三里餘北界山環而稍南。扼水直逼南山下。是爲磯頭邨。亦有數十家當磯之腋。路南向盤之。遂躡磯嘴而西。半里雨止。路轉北。復開南北塢。於是倚東山西麓北行。三里餘抵漾鼻街。居廬夾街臨水。甚盛。有鐵鎖橋在街北上流一里。而木架長橋卽當街西跨下流。皆度漾鼻之水。而木橋小路較近。按志劍川水爲漾。洱海水爲灑。二水合流故名。今此橋去合江鋪北三十里。驛去其北亦十五里。止當漾水與灑水無涉。何以兼而名之耶。豈灑水非洱海卽點蒼後出之別流耶。然余按水出麗江府南者。

遊記

八册上  
滇八

三十二

皆謂之漾。如漾共發源於十和之中海。經七和下。崔慶合。東西諸泉而入穴。故曰漾共。此水發源於九和。經劍川。別而南流。故曰漾別。則別乃分別之別。非口鼻之鼻也。然一統志又稱爲漾備。此又與勝備同名。亦非灑字之一徵矣。余乃就木橋東買蔬米。卽由此度。不及北向鐵橋度。其中始覺湯湯倍於洱水。西向又有一峽。自西來。是爲永平道。望大塢北去。亦數里而分爲二。而永昌大道。則從此而西。始行塢中。二里漸上。又二里有數家夾道。大坊跨之。曰綉嶺。連雲言登嶺之始也。是爲白木鋪。由是循南坡西向上。二里由坡間轉向南。一里餘復轉向西。於是迴眺東之點蒼。東北之鳳羽。反愈近。然



所臨之峽則在南更西躡坡迤邐而上又四里有寺東向當坡嘴中懸是爲捨茶寺就而飯由其後又西上路稍平其南臨東出之澗猶故也又二里有邨當嶺脊是爲橫嶺鋪鋪之西遂西躡夾坑中又上三里而透嶺岫之脊其岫夾隘如門透其西卽有坑北墜又有坑西流路隨西流者下二里路轉向南峽而水乃由北峽去始知猶北流而東入漾濞上流者又南二里其峽中平而水忽分南北始知其脈由此峽中西而東度其上所逾夾隘乃旣南而北突之峰非南來之脊也蓋此脊西北自羅均山分支東南至此降度峽底乃東突崇峰由其北而東下者爲橫嶺而東盡於白木鋪由其南透

遊記 八册上  
滇八

三十三

迤南去者東挾碧溪江西挾勝備水而盡於兩水交會處是其脈亦不甚長也從峽中南行半里轉西有小水自東南墜峽來始成流西去又一里隨流南轉始循水東崖下旣渡其西復涉其東四里餘有水自東峽出西與南下之澗合其流始大而峽愈逼東崖直瞰水而西路乃渡而循西崖下南出隘已昏黑稍上坡其二里有一二家倚西坡上投宿不得又南兩崖愈湊三里及之復渡溪東則數家倚東崖下是爲太平鋪乃宿其做樓按志是水爲九渡河沿山遶流上跨九橋者是其下流與雙橋河合於黃連堡東南

入勝  
備江

二十四日雞鳴具飯昧爽卽行越澗傍西山而南其峽仍逼



五里遵西山之崖漸上。五里盤其南突之嘴，遂挾北峰西行。路轉於上，溪轉於下。又西十里，有邨倚北山坡，峽間廬舍最盛。是爲打牛坪，相傳諸葛丞相過此，值立春，打牛以示民者也。又遵北坡隨峽流西下，十里有山橫截其西，乃稍降而逼其下，忽見有溪自北而南，激橫截山之東麓。太平鋪九渡河自東注之，有數家當其交會之峽，是爲勝備邨。此北來之水，卽勝備江也。盤邨坡溯江而北，半里乃涉亭橋，渡江西崖，江流差大於汨水，而不及漾濞，其源發於羅武山下，流達於蒙化，入溪碧江，由其西轉而隨流南下，循西山之麓，行崖峭甚。半里，又隔江與勝備邨對。又南一里餘，有小峽自西來，截之。

遊記 八册上  
滇八

三十四

漸南上，盤其東突之坡，共七里。又上而盤其南突之嘴，水從其下，西轉南折而破峽去，路從其上，挾北坡西下。蓋其西有峽，自西峻下墜而來，又有山從峽南挾之，俱東當突嘴之下，與勝備合而破其南峽，突嘴之路不能趨峽而度，其南挾之東垂，故西折一里餘而下，循其西峻，又東折一里而上，盤其東垂，東垂卽勝備所破峽之西崖也。半里轉其南，又有一小水自東垂南西峽來入，乃捨其南去，大流而溯其西來小流，循東垂南崖西向入之，一里餘，有邨踞小流之北坡，夾路成聚，是爲黃連堡。始知此小流卽雙橋河也。飯於其處，山雨驟至，稍待復行，漸轉西北，行岡上二里，其下，直自北來，乃下。



渡峽中小橋而西。此橋卽雙橋之一也。其河源尙在北塢中。從橋西卽躡西坡而上。二里稍平。西向塢倚南峰。復上坡二里。西逾岡脊。是爲觀音山脊。南北俱有寺。南峰當脊而起。其巔頗聳。有閣罩其上。以遠不及登。拂脊間碑讀之。言昔武侯過此。方覓道。聞犬吠聲。而左右報觀音現。故俗又呼爲娘娘。叫狗山。卽郡志所謂寶藏山也。從脊西遙望。其南壑襍沓而下。高山無與爲匹者。當遙通阿祿司新牛街之境也。其西壑亦襍沓而來。其外遠山。自北亘脊南去。北支分而東向。逶迤與此山屬。南抱爲壑。頗寬豁。而坡陀層伏。不成平塢。西山亘脊之半。有寺中懸縹渺雲嵐間。卽所謂萬松仙景也。於是從

遊記

八册上  
滇八

三五

嶺頭盤旋西北。二里轉過西下之峽。由其北。乃陟西來之脊。其脊南北俱有峽。路從其中。共二里。西向稍下。樹木深翳。再下。再過脊。又八里。有數十家倚北坡。夾道而廬。是爲白土鋪。又西入峽。七里漸上。漸逼西山。山脊東垂。南北墜壑甚深。松翳愈密。上下虧蔽。有哨房在坡間。曰松坡民哨。而無居人。此處松株獨茂。瀾山蔽谷。更無他木。聞其地茯苓甚多。鮮食如山藥。坡名以松

宜也。其脊蓋自西嶺分支。東度觀音山者。第不知南北之水何下耳。於是西上躡磴。甚峻。數十盤而登。共五里。有寺踞東懸之脊。東向憑臨於松雲翠濤之間。是爲萬松仙景寺。後有閣曰松梵。朱按君泰楨所題。登之。東眺甚豁。蒼山雪色。與松



壑濤聲遠近交映也。由其後再曲折上躋二里餘登嶺頭。又一里餘西過一脊以爲絕頂矣。頂脊南北分墜之峽似猶東出者。又西上一里躡南突之巔。榜曰日升天頂。又西一里穿峽而入。有數家散處峽壑間。俱以木皮爲屋。木枝爲壁。是爲天頂鋪。先是土人俱稱爲天井。余以爲在深壑中而不意反在萬山絕頂也。問所謂井者。亦竟無有。嶺頭之廬以非常站所歇強之後可旣止。風雨交作。寒氣逼人。且無從市米。得麵爲巴而啖之臥。

二十五日昧爽。啖所存巴。平明卽行。霧蔽山頂。茫無可見。西向稍下一里。山峰簇立成窪。窪中有小路北去。有小水南流。

遊記 八册上  
滇八

三十六

大道隨之南行。峽中一里折而隨峽西下。峽南已墜壑盤空。窈然西出矣。西下三里餘。有哨房當坡而西向。亦虛而無人。其北又有一峽自東下。與南峽會於坡前路盤坡而北。渡坡北澗。卽隨北澗西下。共四里餘。過梅花哨。於是南北兩界山漸開。循北山又西四里。度西垂之脊。始全見其南北兩崖下墜之坑盤壑。西出而西。有巨壑焉。沿支西下。又八里抵西麓。有寺當路北。渡峽中小水。從其西轉西北行。田塍中二里有塘積水。東坡下。挾其西而北。又三里抵永平縣之東街。其處東西兩界山相距八里。北卽其廻環之兜。南爲其夾門之峽。相距一十五里。而銀龍江界其中。其水發源上甸里阿荒山一名太平河。每歲孟



冬近曉有白氣橫江恍若銀龍故名下流經打坪諸寨入瀾滄江當縣治東有橋跨其上其

處卽爲市而無城其北有城堞畧具乃守禦所而縣不在其中也銀龍橋之西又有橋名普濟橋下小水東南入銀龍江大道由縣治西沿西山而南至石洞邨西西南入山余欲從石洞浴溫泉當不沿西山而由中塢蓋溫泉當塢而出也乃從銀龍橋市蔬米卽從橋東小路隨江而渡其下流由稅司前西行過一小澗卽隨之南行塢中與大道之在西坡者相望而南也八里則溫泉當平疇之中前門後閣西廂爲官房東廂則浴池在焉池二方各爲一舍南男北女門有賣漿者不比他池在荒野也乃就其前買豌豆煮豆炊飯余先酌而

遊記

八册上  
眞八

三十七

入浴其湯不熱而溫不停而流不深而淺可臥浴也舍乃一叅戎所構而成者然求所謂石洞則無有矣旣浴飯而出眺由其西向入峽不二里卽花橋大道由其南向逾嶺爲爐塘道余時聞有清淨寶臺山在爐塘之西西由花橋抵沙木河大道入其路迂南山爐塘間道行其路捷余乃卽從塢中南向行二里餘抵南山之麓有水自西峽來東注而入銀龍江峽口卽花橋之水也度橋而南半里有寺倚南山而北向曰清真寺同回所造由其前東轉半里爲後屯有小塢自南來又東截塢半里逾橋上坡東南躋一里餘轉而東陟其嶺一里從嶺上悞折而南二里逾山南下路絕二里由坑西轉又二里



復轉而北仍出後屯小塢乃復上東坡二里仍過嶺上悞處乃竟嶺峽而東半里有峽直東者爲銅礦廠道東南逾岡岫者爲門檻爐塘道乃折而從東南稍上逾岡半里東向隨峽而下者二里及峽底則深峽自北而南銀龍江搗壑而隨之路隨其西岸南行谿崖間幽深窈窕水木陰闕一奇境也雷雨大作行雨中十里而雨止有小溪自西峽來架木橋渡之依南山東轉二里轉而南一里有數家踞西山之半東向臨江是爲門檻邨下跨江之橋爲門檻橋言江流至此破峽搗空若門闕之當其前也宿於邨家買米甚艱祇得半升以存米爲粥器所買者爲明日飯

遊記

八册上  
滇八

三十八

二十六日雞再鳴具飯平明隨江西岸行四里餘南至岔路有溪自西峽來東與銀龍江合數十家下縮溪口乃下涉其溪緣南山之北於是江東折於下路東折於上東向上者一里餘盤北突之坡而東於是江南折於下路亦南折於上南折處又有峽自東來入正與東折之江對或以爲永平之界今僅止此其南折之峽已屬順寧矣循江西嶺南向漸下四里稍折西南下緣江岸已復南折二里餘出峽峽乃稍開始見田塍有兩三家倚西坡是爲稻塲山行至是始有稻畦故以爲名其江之東南坡間亦有居廬其下亦環畦塍亦稻塲之屬江流其間直南去與澗滄江合路由西坡邨右卽西南



緣坡上一里至嶺頭正隔江與東坡之廬對於是緣峽西入遂與江別其峽自西脊東下循北崖平坡入之四里降度峽南循南崖懸躋而上乃西南盤折二里餘逾北突之岡循南坡而西二里有坑北下橫陟之又西二里乃凌其東南度脊此脊之東水下稻塲南峽中西南水下爐塘而南從脊上卽西望崇山高穹上聳圓頂者爲寶臺山其北崖複突而平墜者爲登山間道其南垂紆繞而拖峽者爲爐塘所依余初擬從間道行至是屢詢樵牧皆言間道稍捷而多岐中無行人莫可詢問不若從爐塘道稍迂而路闢以炭駝相接不乏行人也其岐卽從脊間分脊西近峽南下其中居廬甚殷是爲

遊記 八册上  
滇八

三十九

舊爐塘由其北度峽上卽間道也由其東隨峽南下爐塘道也余乃南下坡一里至峽底半里度小橋隨澗西岸南行其澗甚狹中止通水道一縷兩旁時環畦如栢棧四里稍上陟西崖而下半里始有一旁峽自西北來南涉之又沿西崖漸上五里盤西崖而逾其南嘴乃見西峽甚深峽底爐煙板屋擾擾於內東南嵌於峽口者下厰西北綴於峽吻者上厰也緣峽口之外南向隨流下者往順寧之大道也余從嶺上西轉見左崖有竅卑口豎喉其墜深黑卽挖礦之舊穴也從其上西行二里越下厰抵上厰而坑又中間之分兩岐來一自東北一自西北而爐舍踞其中

所出皆紅銅客  
商來販者四集肆多賣藥市



肉者。余以將登寶臺，仍齋食於肆。由西峽溯流入一里，居廬乃盡。隨峽北轉，峽甚深仄，而止通一水，得無他迷。然山雨傾注，如納大麓，不免淋漓。三里漸上，又二里，上愈峻，見路有挑大根如三斗盎者，以杖貫其中，執而問之，曰：芭蕉根也。以餉猪，峻上二里，果見芭蕉蔽崖，有掘而偃者，卽挖根處也。其處樹箐深窅，山高路僻，幸有炭駝俱從此赴廠爲指迷。又上二里，乃登其脊，有路自東北徑脊而來者，乃隨脊向西南去。從之行脊上二里，乃西南下，見路左有峽西北出，路遂分爲兩岐。而所望寶臺圓頂，似在西南隔峰，乃悞下從峽西南，一里餘，渡峽中支澗，緣之西北轉一里，盤北突之嘴，復西南入峽中。溯

遊記 八冊上  
滇八

四十

澗二里，路漸湮，見澗北有燒山者，遙呼而問之，始知爲悞。然不知山在何所，路當何從，惟聞隨水一語，卽奉爲指南。復東北還盤嘴處，澗乃北轉，遂緣坡北向下。二里，有一岐自東南來，合卽前分岐西北之正道也。蓋寶臺正在西南所悞之峽，其南卽度脊之自東西突者，此寶臺東隅之來脉也。而其路未開，皆深崖峭壑，爲燒炭之窟，以供爐塘所用。峽中之流，從其西北向流，遶北崖而西出，至西北隅，始與竹瀝岩南來之路合。故登山之道，必自西北向東南，而其東不能竟達也。循東崖又北一里，復隨澗西轉，循北崖西行二里，始望見前峽稍開，有邨聚倚南山之坡，乃西下一里，度澗橋，緣其南崖西



上又一里餘而抵其邨是爲阿拈寨乃寶臺門戶也由寨後南向登山三里至慧光寺其寺西向前臨一峽隔峽又有山環之而北而終不見寶臺蓋寶臺之頂高穹於此寺東南而其正寺又在臺頂之南尙當從西南峽中盤入也寶臺大寺爲立禪師所建三年前立師東遊請藏久離此山余至省卽聞此山之盛比自元謀至姚安途中乃聞其燼於火又聞其再建再燬余以爲被災久矣至是始知其災於臘月也計其時余已過姚安矣不知何以傳聞之在先也自大寺災後名流多棲托慧光余至日猶下午僧固留遂止寺中

二十七日飯於慧光寺卽南上五里登其西度之岫此岫乃

遊記 八册上  
滇八

四十一

寶臺之西支下而度此者其岫西餘支卽北轉而環於慧光之前逾岫南見南山前羸與岫東橫亘之頂排闥兩重復成東西深峽南山之高與北頂竝皆自東而西夾重峽於中而下不見底距瀾滄於外而南爲之壘蓋南山自爐塘西南轉而西向湖瀾滄北岸而西行爲寶臺南郭於是西距瀾滄之水東包沙木河之流渡江坡頂而北盡於沙木河入瀾滄處此南山外郭之形也寶臺自爐塘西南亦轉而西向大脊中巖南面與南山對夾而爲寶臺西面與西度北轉之支對夾而爲慧光此寶臺中踞之勢也其內水兩重皆西轉而北出其外大水逆兜獨南流而東澆此諸流包絡之分也至是始



得其真面目其山如環鉤其水如交臂山脉自羅均爲鉤之根把博南丁當關爲鉤幹之中正外與鉤端相對而江坡頂卽鉤端將盡處寶臺山乃鉤曲之轉折處也瀾滄江來自雲龍州爲右臂東南抱而循山之外麓抵山東垂盡處而後去沙木河源從南山東峽爲左臂西北抱而循山之內塢抵山西垂盡處而後出兩水一內一外一去一來一順一逆環於山麓而山之南支又中界之自北自南自東自西復自南而北爲寶臺之護此又山水交滌之概也從嶢南於是東轉下臨南峽上倚北崖東向行山脊之南兩降兩上三里東至萬佛堂此卽大寺之前院也踞寶臺南突之端其門西向而堂

遊記 八册上  
滇八

四十二

陸俱南關前臨深峽之南則南山如屏高穹如面牆其上多木蓮花樹極高大花開如蓮有黃白藍紫諸色瓣凡二十片每二月則未葉而花三月則花落而葉生矣絕頂有湧石塔高二丈云自地涌出乃石笋也其南嶠間又有一陝西老僧結茅二十年其地當南山輿阻曾無至者自萬佛堂望之平眺可達而下陟深峽上躋層崖竟日而後能往返焉由萬佛堂後北上不半里卽大寺故址寺剏於崇正初元其先亦叢蔽之區立禪師筓山見之爲焚兩指募開叢林規模宏敞正殿亦南向八角層甃高十餘丈址盤數畝其脉自東北圓穹之頂層跌而下狀若連珠而殿緊倚之第其前橫深峽旣不



開洋而殿址已崇西支下伏右乏護砂水復從泄覺地雖幽  
闕而實鮮關鎖此其所未盡善者或謂病在前山崇逼余謂  
不然山外大江雖來繞而無此障之則曠山內深峽雖近環  
而無此夾之則泄雖前壓如面墻而宇內大剝如少林之面  
少室靈巖之面岱宗皆突兀當前而開拓彌遠此吾所謂病  
不在前之太逼而在右之少踈也初余自慧光寺來其僧翠  
峰謂余曰僧少待一同衣當卽追隨後塵比至萬佛堂翠峰  
果同一僧至乃川僧一葦自京師叅訪至此能講演宗旨聞  
此有了凡師亦川僧淹貫內典自立師行後住靜東峽爲此  
山名宿故同翠峰來訪之時了凡因殿燬募閃太史約菴先

遊記 八册上  
滇八

四十三

鑄銅佛於舊基以爲興復之倡暫從靜室中移棲萬佛前樓  
余遂與一葦同謁之了凡卽曳杖前引至大寺基觀所模佛  
胎遂從基左循北崖復東向行盤磴陟坡路極幽峭兩過小  
靜室兩升降南下小峽深木古柯藤交竹叢五里而得了凡  
靜室室南向與大殿基東西並列第此處東入已深其前南  
山竝夾如故而右砂層疊不比大殿基之西曠矣其脉自直  
北圓穹之頂中垂而下至室前稍坳前復小起圓阜下臨深  
峽之北而室則正臨其坳處橫結三楹幽敞兩備此寶臺與  
境也一葦與了凡以同鄉故欲住靜山中了凡與之爲禪語  
余勃叅之覺凡公禪學宏貫而心境未融葦公叅悟精勤而



宗旨未徹然山窮水盡中亦不易得也了凡命其徒具齋始  
進麵餅繼設蔬飯飯後雨大至半晌方止下午乃行仍過寺  
基共十五里還宿慧光寺

二十八日平明飯而行三里北下至阿牯寨由其西下又二  
里越東來澗緣北山之南崖西北上一里餘盤其西垂而北  
其下卽阿牯北西二澗合而北流之峽也二里越西突之坡  
仍循東坡西北行六里墜懸坡而下一里及澗仍隨澗東岸  
北行望見峽北有山橫亘於前路直望之而趨五里有一二  
家倚東山下其前始傍水爲田又北二里直抵北山下有峽  
自東而西中有一水沿北山而西注此卽舊爐塘西來之道

遊記

八冊上  
滇八

四十四

阿牯寨之澗南來此與之合是爲三泇溪舊爐塘指答者謂  
間道捷而難詢正指此也於是其峽轉爲東西夾水合而西  
去路北涉之循北崖西行三里西降而出峽口其西乃開南  
北大峽蓋南自寶臺南峽來從南山北轉而界澗滄於外者  
爲此塢西山從西嶠北轉而挾慧光寺於內者爲此塢東山  
東山爲三泇溪西出而界斷寶臺中脉止至其北又舊爐塘  
北脊之支分派西突與西山對峽而北峽中塢大開陂陀襍  
查底不甚平南峽與三泇溪水合流北去是爲沙木河上流  
峽中田塍高下盤錯居廬東西對峙是名竹漚砦路挾東山  
北轉行東邨之上而北三里塢中水直嚙東山之麓路緣崖



躡其上又北二里逾馬鞍嶺此嶺乃東山西突之嘴水曲而西環其麓路直而北逾其峒此竹瀝砦之門戶也北下二里始爲平川水與路俱去險就夷北行溪東三里有郵倚東山下曰狗街子倚西山曰阿夷邨東山乃博南大脊西盤西山乃寶臺南山北轉者也其山平展而北又四里而沙木河驛之西坡自丁當關西突於川之北與西界山湊川中水自沙潭亦逼西山之麓而北路乃涉水緣西崖之上行又三里北下及溪有橋跨溪東來者是爲沙木河驛大道其橋有亭上覆曰鳳鳴橋余南來路經橋西不逾橋也飯於橋西隨西山大路北行三里盤西山北突之嘴於是北塢稍開田隄交布

遊記 八册上  
滇八

四十五

其下溪流貫直北去透北峽入瀾滄路盤嘴西行又一里爲灣子邨數家倚南山北麓當北突之腋故曰灣子由其西循峽南入一里峽窮復遵峽西之山曲折西向上躋三里陟嶺脊此卽寶臺南山北轉至此者踞嶺東望東界卽博南山所從南環而至者北望峽口中伏卽沙木河北注瀾滄而此支所北盡於此者其外有崇峰另起橫峙於五十里外者曰瓦窰山爲永平北與雲龍州分界昔王磐踞而爲亂處按騰永圖說崇正戊辰王磐據險爲叛燒斷瀾滄橋又按馬元康曾領兵追搗王磐何某巢穴於曹澗馬亦言先是王何構叛來襲攻永昌幸從瀾滄燒橋而來故得爲備按曹澗在雲龍州西界瓦窰山在雲龍州南界曹澗當永昌北鄰王何二賊不直南下而東由瀾滄橋固欲截其東援大路亦以與西望則重崖層瓦窰相近也蓋瓦窰曹澗皆二賊之窟矣



峽其下逼簇不知瀾滄之流已嵌其底也由脊而南有菴橫跨峭中題曰普濟菴有僧施茶於此是卽所謂江坡頂也出其南西瞰峽底濁流一綫遶東南而去下嵌甚深隔流危崖率律上截雲嵐而下嚙江流者卽羅岷山也瀾滄江自吐蕃嗟和哥甸南流經麗江蘭州之西大理雲龍州之東至此山下又東南經順寧雲州之東南下威遠車里爲撾龍江入交趾至海一統志謂趙州白厓臉礼社江至楚確定邊縣合瀾滄入元江府爲元江余按瀾滄至定邊縣西所合者乃蒙化漾濞陽江二水非礼社也礼社至定邊縣東所合者乃楚雄馬龍祿豐二水非瀾滄也然則瀾滄礼社雖同經定邊已有

遊記

八册上  
滇八

四十六

東西之分同下至景東東西部分流愈遠李中谿著大理志定瀾滄爲黑水另具圖說於順寧以下卽不能詳今按鐵鎖橋東有碑亦鄉紳所著止云自順寧車里入南海其未嘗東入元江可知也由嶺南行一里卽曲折下其勢甚陡迴望鐵橋嵌北崖下甚近而或迎之或背之爲之字下者三里而及江岸卽挨東崖下溯江北行又一里而至鐵鎖橋之東先臨流設關鞏石爲門內倚東崖建武侯祠及稅局橋之西鞏關亦如之內倚西崖建樓臺并祀創橋者鞏關俱在橋南其北皆崖石巉削無路可援蓋東西兩界山在橋北者皆夾石倒壓江面在橋南者皆削土斷立江旁故取道俱南就土崖作



之字上下而橋則架於其北土石相接處其橋闕於北盤江上鐵鎖橋而長則殺之橋下流皆渾濁但北盤有奔沸之形澎湃之勢似淺此則渾然逝淵然寂其深莫測不可以其狹束而與北盤其擬也北盤橫經之練俱在板下此則下既有承上復高綳兩崖中架兩端之楹間至橋中又斜墜而下綳之交絡如機之織綜之提焉此橋始於武侯南征故首祀之然其時猶架木以渡而後有用竹索用鐵柱維舟者柱猶尚存或以為胡敬德或以為國初鎮撫華岳而胡未之至華為是然蘭津之歌漢明帝時已著聞而不始於武侯也萬歷丙午順寧土酋猛廷瑞叛阻兵燒燬崇正戊辰雲龍叛賊王盤又燒燬四十年間二次被燬

遊記 八册上 滇八

今已已復建委千戶一員守衛固知迤西咽喉千百載不能改也余時過橋急不及入叩橋東武侯祠猶登橋西臺間之閣以西崖尤峻為羅岷之麓也於是出鞏關循羅岷之崖南向隨江而上按志羅岷山高千餘丈蒙氏時有僧自天竺來名羅岷嘗作戲舞山石亦隨而舞後沒於此人立祠巖下時墜飛石過者驚趨名曰催行石按石本崖上野獸拋踏而下昔有人於將曉時過此見霧影中石自江飛上甚多此又一異也五里至平坡鋪數十家夾羅岷東麓而居下臨瀾

滄其處所上猶平故以平坡名從此則躡峻矣時日色尙可行而負僧苦於前遂止按永昌重時魚其魚似鯖魚狀而甚肥出此江亦出此時謂之時者惟三月盡四月初一時耳然是時江漲後已不能得

二十九日離再鳴具滄平明行即曲折南上二里餘轉而西



其山復土盡而石於是滄江東南從大峽去路隨小峽西向人西一里石崖矗夾有水自夾中墜先從左崖棧木橫空度卽北向疊磴夾縫間或西或北曲折上躋甚峻兩崖夾石如劈中垂一窟水搗石而下磴倚壁而上人若破壁捫天水若爭道躍頽兩不相遜者夾中古木參霄虬枝懸磴水聲石色冷人心骨不復知有攀陟之苦亦不知爲驅馳之道也上二里有菴夾道有道者居之卽所謂山達關也由其後又西上路分爲二一渡水循南崖一直上循北崖共一里餘而合遂凌石峽上余以爲山脊矣其內猶然平峽水淙淙由峽中來至是墜峽石東下其外甚峻其內甚平登其峻處回望東山

遊記

八册上  
滇八

四十六

之上露出層峰直東而近者乃狗街子沙木河驛後諸脊所謂博南丁當也東南而遠者寶臺圓穹之頂也內平處亦有兩三家當峽而居循之西入塢底成畦路隨澗北二里涉澗而南盤南峰之腋而西一里透峽西出則其內平窪一圍下墜如城四山廻合於其上底圓整如鏡得良疇數千畝邨廬錯落雞犬桑麻俱有靈氣不意危崖絕磴之上芙蓉蒂裏又現此世界也是爲水寨先是聞其名余以爲將越山而下至是而知平窪中環山頂之水交注窪中惟山達關一線墜空爲水口武陵桃源王官盤谷皆所不及矣此當爲入滇第一勝以在路旁人反不覺也循窪東稍南上有廬夾道是爲水



寨鋪按志有阿章寨豈卽此耶又南隨峽坡東行二里逾一  
東坡之脊脊兩旁有兩三家脊南水猶東南下瀾滄仍非大  
脊也過脊南東南二面山皆下伏於是東望寶臺知瀾滄挾  
其南去南瞻瀾滄西岸羣峰襍沓以下

自此至四月初九共缺十日當是在永昌府晤閔人望名仲儼乙丑庶吉士與徐石并其弟知愿名仲侗丙子解元時

裔孫 熙海南校字

遊記 入册上

四十九



遊記第八册下

江陰徐宏祖霞客著

子別姓  
李

寄介立 輯

季夢良會明編

後學金 安步雲

重校

同邑

楊名時凝齋閱

族孫徐 鎮筠峪

滇遊日記九

巳卯 四月初十日。閃知愿早令徐使來問夫。而昨所定者竟不  
至。徐復趨南關覓一夫來。余飯已久矣。乃以衣四件書四本  
并襪包等寄陶道。遂同至夫寓候其飯。上午乃行。徐使始去。  
出南門。門外有小水自西而東。弔橋跨其上。卽太保山南峽  
所出者。南行五里。有巨石梁跨深溪上。其下水斷而不成流。

遊記

八册下  
滇九

想卽沙河之水也。又南半里。坡間樹色依然。頗似余鄉櫻珠  
而不見火齊映樹。一、二家結紉樹下。油碧輿五六肩。乃婦人  
之游於林間者。不能近辨其爲何樹也。又南半里。有堤如城  
垣。自西山環遶來。登其上。則堤內堰水成塘。西浸山麓。東築  
堰高丈餘。隨東堰西南行。二里。堰盡。山從堰西南環而下。有  
數家當山中。南轉行其前。又二里。有數十家倚西山。下。山復  
環其南。是爲臥獅窩。蓋其西大山將南盡。支乃東轉。其北先  
有近支。東向屢下。如太保丸隆皆是也。又南爲臥獅。在西南  
峒中。山形再跌而下。其上峯石崖盤突。儼然一狻猊之首。其  
下峯頗長。則臥形也。余先望見大路在南坡之上。初不知小



路之西折而當獅崖盤突間但遙見其崖突兀與前峯湊峽甚促心異之候土人而問初一人曰此石花洞也再問一人曰此芭蕉洞也小路正從其下過石花卽其後來之名耳蓋大路上南坡而小路西折而由此余時欲從小路上而僕擔俱在後坐待久之俟其至從邨南過小橋有碑稱臥佛橋過橋卽西折從小路上坡一里餘從坡岫間渡小水卽仰見芭蕉洞在突崖之下蓋突崖乃獅首而洞則當其臥臍之間涉澗又西上而探洞洞門東向高穹二丈正與筆架山遙對洞內丈餘卽西北折而下其洞下雖峻而路頗夷下三文漸暗聞秉炬入深里餘姑俟歸途攜炬以窮也出洞循崖西上一

遊記

八冊下  
滇九

二

里過突崖下峽透脊而西半里度一窪脊以內乃中窪之峽水東揆突崖脊下搗其崖麓無穴以洩水沫淤濁然前所渡芭蕉洞前小水卽其透崖澀峽而出者從水上循嶺南轉一里逾南坡之脊始見脊南亦下墜成大窪而中無水南坡大道從右窪中西南上而余所從小道則循西大山南行嶺間五里連逾二坡脊共二里則西界大山南向墜爲低脊此其東轉之最長者也南坡涉窪之路至此而合乃共轉西向循低脊而進脊北亦中窪瀦水焉西一里降而下坡半里而得窪底鋪五六家在坑峽間其峽雖縱橫而實中窪中無滴水隨窪西下一里直抵大山下復南行窪峽中二里又得東墜



之脊脊南塢稍開於是小圓峯離立矣然其水猶東行一里  
又南上坡盤坡南離立圓峯取道峯隙而南一里轉峯腋始  
東南上盤而西南共里餘則南北兩支俱自北大山之西分  
支東遶中夾成峽甚深路逾北支從其上西向入峽其南支  
則木叢其上箐墜其下雖甚深而不聞水聲焉西行二里乃  
西下箐中又一里有數家當箐底是爲冷水箐乃飯於鬻腐  
者家於是西南隨箐上一里過一脊其脊乃從西而東度之  
脈也脊南始見羣山俱伏有遠山橫其西南路又逾岡西上  
一里登其南突之崖是爲油革關舊址乃舊之設關而權稅  
處今已無之其西卽墜崖西下甚峻下二里漸平又二里西

遊記

八冊下  
滇九

三

峽漸開有僧新結樓倚北山下施茶曰孔雀寺由寺西循山  
嘴南轉共一里逾嘴而西乃西北盤其餘支三里而得一亭  
橋橋跨兩峽間下有小澗自北而南已中涸無滴橋西逾坡  
西北下路旁多黃果卽覆盆子也色黃酸甘可以解渴其西  
塢大開塢西大山一橫於西一橫於南而蒲縹之邨當西大  
山下其山南自南橫大山又東自油革關南下之支橫度爲  
低脊而復起者其中水反自南而北抵羅岷而西入潞江焉  
共西下二里乃得引水之隘其中俱已插秧遍綠又西北行  
二里餘過蒲縹之東邨邨之西有亭橋跨北注之溪曰吳氏  
輿梁又西半里宿於蒲縹之西邨其地米價頗賤二十文可



飽三四人蒲縹東西邨俱夾道成街而西邨更長有驛在焉  
十一日雞鳴起具飯味爽從邨西卽北向循西大山行隨溪  
而北漸高而陟崖共八里爲石子哨有數家倚西山之東北  
隅又北二里乃盤山西轉有峽自西而東合於枯飄北注之  
峽溯之依南山之北西入二里下陟南來峽口峽中所種俱  
紅花成畦已可採矣西一里陟西來峽口其上不多水亦無  
幾有十餘家當峽而居是爲落馬廠度峽北復依北山之南  
西入一里平上逾脊其脊自南而北度起爲峽北之山而北  
盡於羅岷者也逾脊西行峽中甚平路南漸有澗形依南崖  
西下路行其北三里數家倚北山而居有公館在焉是爲大

遊記 八冊下

滇九

四

坂舖從其西下陟一里有亭橋跨澗於是涉澗南依南山之  
北西下二里有數家當南峽是爲灣子橋有賣漿者連槽而  
啜之卽余地之酒釀也山至是環聳襍沓一澗自東來者卽  
大坂之水一澗自南峽來者墜峽倒崖勢甚逼仄北下與東  
來之澗合而北去小木橋橫架其上度橋卽依西山之東北  
行東山至是亦有水從北峽西下三水合而北向破峽去東  
西兩崖夾成一線俱摩雲夾日溪嵌於下蒙箐沸石路緣於  
上巖壁撫崖排石齒而北三里轉向西下石勢愈峻愈合又  
西二里峽曲而南澗亦隨峽而曲路亦隨澗而曲半里復西  
盤北轉路皆鑿崖棧木半里復西向緣崖行一里有碑倚南



山之崖題曰此古盤蛇谷乃諸葛武侯燒藤甲兵處然後信

此險之真冠滇南也

水寨高出衆險之上此峽深盤衆壑之下滇南二絕於此乃見

禪南漸

下峽亦漸開又西二里乃北轉下坡復轉而西一里有木橋橫澗而北乃度循北崖西行一里逾南突之脊於是西谷大開水盤南壑路循北山又西平下三里北山西斷路乃隨坡南轉西望坡西有峽自北而南俱崇山夾立知潞江當在其下而不能見南行二里餘則江流已從西北嵌脚下逼東山南峽之山轉而南去矣乃南向下坡一里有兩三家倚江岸而栖其前有公館焉乃就瀾水以飯時渡舟在江南岸待久之乃至登舟後舟子還崖岸而飯久之不至下午始放渡而

遊記 八册下

滇九

五

南江流頗闊似倍於瀾滄然瀾滄淵深不測而此當肆流之衝雖急而深不及之則二江正在伯仲間也其江從北峽來

按一統志云其源出雍望不知雍望是何地名據土人言出狗頭國言水漲時每有狗頭浮下也

注南峽去

或言東與瀾滄合或言從中直下交南故蒙氏封爲四瀆之一以余度之亦以爲獨流不合者是土人言瘴癘甚毒必飲酒乃渡夏秋不可行余正當孟夏亦但飯而不酒坐舟中擢流甚久亦烏覩所云瘴母哉渡南崖暴雨急來見崖西有樹甚巨而鬱葱如盤急趨其下樹甚異本高二丈大十圍有方石塔甃其間高與幹等幹跨而絡之西北則幹密而石不露東南臨江則幹疎而石出幹與石已連絡爲一不可解矣亦



窮崖一奇也。已大風揚厲，雨散復西向平行上坡，望西北穹峯峻極。西南駢崖東突，其南崖有居廬當峯而踞，卽磨盤石也。望之西行十里，逼西山雨陣復來，已虹見東山盤蛇谷上。雨遂止，從來言暴雨多瘴，亦未見有異也。稍折而南二里有邨，當山下曰八灣，數家皆茅舍。一行人言此地熱不可栖，當上山乃涼。從邨西隨山南轉一里，過一峽口，循峽西入南涉而逾一崖約一里，遂從南崖西上，其上甚峻，曲折盤崖八里。而上凌峯頭，則所謂磨盤石也。百家倚峯頭而居，東臨絕壑，下嵌甚深，而其壑東南爲大田禾芄芄焉。其夜倚峯而栖，月色當空，此卽高黎貢山之東峯。憶諸葛武侯王威寧驢之前後開疆，方威遠政之獨戰身死，往事如看鏡，浮生獨倚巖，慨然者久之。

遊記

八册下  
滇九

六

十二日雞再鳴飯味爽出門，其處雖當峻峯之上而居廬甚盛，有公館在邨北，潞江驛在其上。山下東南成大川，已插秧盈綠，潞江沿東山東南去，安撫司依西南川塢而居，遂由磨盤石西南上，仍峻甚，二里逾其南峽之上，其峽下嵌甚深，白西而東向，出安撫司下，峽底無餘隙，惟聞水聲潺潺，在深箐中，峽深山亦甚峻，藤木蒙蔽，猿鼯晝號不絕。峽北則路緣崖上，隨峽西進，上去山頂不一二里，緣峽平行西四里有石洞，南臨路崖深闊丈餘，土人鑿石置山神碑於中，又四里稍折



而北上崖旋西西登臨峽之坡北峽之上至是始南垂一坡而南峽之下則有峽自南山夾底而出與東出之峽會成了字而北向垂坡焉又西二里或陟山脊或緣峯南又三里有數家當東行分脊間是爲蒲滿哨蓋山脊至是分支東行又突起稍高其北又墜峽北下其南卽安撫司後峽之上流也由此西望一尖峯當西復起其西北高脊排穹始爲南渡大脊所謂高黎貢山土人譌爲高良工山蒙氏僭封爲西岳者也其山又稱爲崑崙岡以其高大而言然正崑崙南下正支則方言亦非無謂也由蒲滿哨西下一里抵所望尖峯卽躡級數轉而上兩旁削崖夾起中墜成路路由夾崖中曲折上

遊記

八冊下  
滇九

七

升兩岸高木蟠空根糾垂崖外其上竹樹茸密覆陰排幙從其上行不復知在萬山之頂但如唐人所咏兩邊山木合終日子規啼情與境合也一里餘登其脊平行脊上又二里餘有數家倚北脊是爲分水關卽西有水沿北坡南下此爲潞江安撫司後峽發源處矣南轉西逾嶺脊輒砌鞏門跨度脊上其關甚古頂已中頽此卽關之分水者

關東水下潞江關西水下龍川江

於是西下峽稍轉而南卽西上穿峽逾脊共五里度南橫之脊有卽廬是爲新安哨由哨南復西轉或過山脊或蹈嶺夾屢上屢下十里爲太平哨於是屢下屢平始無上陟之脊五里爲小歇廠五里爲竹筴鋪自過分水關雨陣時至至竹筴



鋪始晴。數家夾路成衢。有賣鹿肉者。余買而炙脯。於是直下  
三里爲茶菴。又西下五里。及山麓。坡間始盤膝爲田。其下卽  
龍川江。自北而南。水不及潞江三分之一。而奔墜甚沸。西崖  
削壁插江。東則平坡環膝。行膝間半里。抵龍川江東岸。溯江  
北行。又半里。有鐵鎖橋架江上。其製兩頭懸練。中穿板如織  
法。一如瀾滄之鐵鎖橋。而狹止得其半。由橋西卽躡級南上。  
半里爲龍關。數十家當坡而居。有稅司以推負販者。又西向  
平上。四里餘。而宿於橄欖坡。其坡自西山之脊。東向層突。百  
家當坡而居。夾路成街。踞山之半。其處米價甚賤。每二十文  
宿一宵飯兩浪。又有夾包。龍川江發源於羣山北峽。峨眉

遊記

八册下  
滇九

八

蠻七藏甸。經此

東爲高黎貢  
西爲赤土山

下流至緬甸太公城。合大盈江。

十三日。平明而飯。由坡西登嶺。西北上。八里稍北。逾北峽。西  
上。二里從嶺上平行。望西北有層峯排簇。嶺上初以爲將由  
其南垂行。一里忽從嶺頭轉北。三里乃西南下峽中。一里有  
四五家當峽而居。竹籬茅舍。頗覺清幽。是爲赤土鋪。其邨當  
西面排簇層峯之麓。東與橄欖坡夾而爲岫。邨西有亭橋架  
小澗上。其水自南峽來。搗北峽去。橋名建安。按志。大盈江之  
水一出自東北赤土山。而此鋪名赤土。水猶似東。北下龍川  
者。豈其西排簇層峯爲赤土山。而此猶其東麓之水。以其在  
麓。卽以名鋪耶。由橋西卽南向上坡。二里西南登脊。卽自排



簇峯東南分支下者又轉而西一里餘有莽施茶當脊北向而踞是爲甘露寺又西一里坡間水北向墜崖路越之西向下峽峽中有水自北而南又與坡上水分南北流以余意度之猶俱東下龍川者半里乃從峽底溯水北入其峽東西兩崖俱從排簇層峯分支南下者西崖卽其本支東崖乃分支東南由甘露寺脊而下者也第峽水南出東轉不知其北合於建安橋抑直東而下龍川否也北行峽底一里餘水分二道來皆細甚遂從坡西躡峻上一里北穿嶺夾半里透脊其脊自東北度西南脊以北卽墜峽西下路從峽端北轉而西有數家倚北山之上是爲亂箭哨至是始出排簇層峯嶺者

遊記

八冊下  
滇九

九

之西按志赤土山在州城東三十里水至是始分則前之赤土舖猶東岸之麓非分流之正脊可知也飯於嶺哨西向行稍下共二里有塢自南而北細流注其中按志大盈江有三源一出赤土山當卽此矣從此而西出馬邑河遶州城北而西合龍從羅生二水同爲大盈之源者也又北上坡二里餘有一二家當坡之南環堵圍南峽之岫甚遙襍植果樹於中是爲板廠出其西二里又西下半里有十餘家當峽岫而居是爲芹菜塘其前小水東北與大盈之源合邨廬不多而皆有杜鵑燦爛血艷奪目若以爲家植者豈深山野人有此異趣若以爲山土所宜何他岡別隴杳然無遺也由邨西復西



上坡一里餘轉峽而平行頂上三里餘乃出西嶺之端下望其塢甚深而中平如砥良疇遠邨交映其間其塢大而圓乃四面小山環圍而成者不比他川之沿溪成峽而已西向峻下者五里循峽東北折又折而西三里乃循東山北行其下稍平又二里有邨當東山之麓是爲坡脚邨有賣漿者出酒甚旨以醋芹爲案與同行崔姓者連啜二壺乃行於是西行平疇中一里有小水自南而北卽志所云羅生山之水亦大盈三源之一分流塍中者也又西北二里餘有村曰雷打田其東亦有小溪自南而北則羅生山之正流也與前過小流共爲大盈之一源云是溪之東田窪間土皆黑墳土人芟其

遊記

八册下  
滇九

十

上層曝乾供爨蓋煤堅而深入土下此柔而浮出土上而色則同也由邨北又西三里廬舍當坡塍間曰土鍋邨邨皆燒土爲鍋者於是其西廬舍聯絡一里爲東街又半里西交大街則十字爲衢者也騰越州城之南門卽當大街之北城南居市甚盛城中所無而此城又迤西所無乃稅駕於大街東黔府官舍時適過午也時黔府委官王仰泉者已返省阮玉灣導書始與店中十四日早雨命顧僕覓潘秀才家投吳方生書上午雨止潘來顧下午余往顧而潘出乃返作記寓中薄暮同行崔君挾余酌於市以竹實爲供竹實大如松子肉圓如蓮肉土人煮熟以賣投壺暢飲月上而返冰輪皎然



十五日晨往晤潘潘勸無出關上午潘饋酒餚下午店中老人亦來勸余無行先是余以阮玉灣書畀楊主人託其覓同行者主人唯唯至暮以潘酒招之共酌兄弟俱勸余毋卽行謂炎瘴正毒奈何以不貲輕擲也屈指八月王君將復來且入內同之入關最便余姑諾之是夜月甚皎而邸舍不便憑眺竟鬱鬱臥。

十六日晨起候主人飯欲爲尖山之行其山在州城西北百里先是主人言其靈異懇懇余行故謀先及之乃以竹箱衫氈寄楊主家挈輕囊與顧僕行從南門外循城西行半里過新橋巨石梁也橋下水自北合三流襟城西而南過此南流

遊記

八冊下  
滇九

十一

去卽所謂大盈江矣余旣過橋四望山勢迴環先按方而定之當城之正東而頂平者爲球玗山亂箭哨之來道逾其南脊當城之正西而尖聳者爲插鼓山南爲龍光臺爲緬箐道爲水口西夾直北者爲上干峩山亂箭哨之脈從之東度南起去城北二十里直南者爲來鳳山州治之脈從之北度又西突保祿閣爲水口東夾城西南爲水口東峽極緊墜空而下爲跌水崖城東南東北俱有迴塢乃來鳳山自北環度之脈而東北獨伏有高山穹其外卽龍川江東高黎貢山北來之脈也城西北一峯獨聳高出衆峯爲龍從山乃北來分脈之統會從此直南爲筆峯爲寶峯爲插鼓而盡於龍光臺從



此西度南轉爲猛蚌從此東度爲上千峩低伏而東度南起爲赤土山亂箭嶺南下西轉爲羅生山支分直北者爲球琿峙州東而北盡馬邑邨支分由西而南者爲來鳳峙州南而西夾水口北與龍光對此州四面之山也其水一東南出羅生山北流經雷打田至城東北一東出亂箭哨北流西出馬邑村西南至城東北一出龍崆山瀆爲海子流爲高河南至城東北三水合爲一是爲大盈江由城西而南過二橋墜峽下搗其深十丈闊三丈餘下爲深潭破峽西南去經和尚屯又名大車江此州四面之水也其北二日抵界頭與上江對其南一日抵南甸與隴川緬甸對其西一日半至古勇與茶

遊記 八册下 滇九

十二

山對其東一日半至分水關與永昌對八關自其西北斜抵

東南

西四關屬蠻哈守備自西北而東南一日神護二日萬仞三日巨石四日銅壁東四關屬隴把守備自西南而

東南一日鐵壁二日虎踞三日天馬四日漢隴八關之外自神護而出爲西路通迤西出琥珀碧玉自天馬而出爲南路通猛密有寶井自漢隴而出爲東南路通木邦出邦洋有自鐵壁而出亦爲南路通蠻莫爲緬甸阿瓦正道昔蠻莫猛密俱中國地自萬歷二十二年金騰戚道立此八關於是關外諸彝俱爲阿瓦所有矣由州南抵南甸分路西向千崖至蠻哈諸關南向隴川至隴把諸關由州西抵緬等分路西出神護通迤西西北逾嶺至古勇大槃三宣猶屬關內而六慰所屬俱遂分華彝之界此其四鄙之望也大盈江過河上置關外矣

屯合緬等之水南入南甸爲小梁河經南牙山又稱爲南牙江西南入千崖雲籠山下名雲籠江沿至千崖北爲安樂河折而西一百五十里爲檳榔江至北蘇蠻界注金沙江入於



緬一曰合於太公城  
此城乃緬甸界

按緬甸金沙江不注源流志但稱其闊

五里然言孟養之界者東至金沙江南至緬甸北至干崖則其江在干崖南緬甸北孟養東矣又按芒市長官司西南有青石山志言金沙江源出之而流入大盈江又言大車江自騰衝流經青石山下豈大盈經青石之北金沙經青石之南耶其言源出者當亦流經而非發軔若發軔豈能卽此大耶又按芒市西有麓川江源出峨昌蠻地流過緬地合大盈江南甸東南一百七十里有孟乃河源出龍川江而龍川江在騰越東實出峨昌蠻地南流至緬太公城合大盈江是麓川江與龍川江同出峨昌同流南甸南干崖西同入緬地同合

遊記 八册下  
滇九

十三

大盈然二地實無二水豈麓川卽龍川龍川卽金沙一江而三名耶蓋麓川又名隴川龍與隴實相近必卽其一無疑蓋峨昌蠻之水流至騰越東爲龍川江至芒市西爲麓川江以與麓川爲界也其在司境實出青石山下以其下流爲金沙江遂指爲金沙之源而非源於山下可知又至干崖西南緬甸之北大盈江自北來合同而南流其勢始闊於是獨名金沙江而至太公城孟養之界實當其南流之西故指以爲界非孟養之東又有一金沙南流干崖之西又有一金沙出青石山西流亦非大盈江旣合金沙而入緬龍川江又入緬而合大盈大盈所入之金沙卽龍川下流龍川所合之大盈卽



其名金沙者也。分而岐之名愈紊，會而貫之脈自見矣。此其二水所經也。於是益知高黎貢之脈南下芒市木邦而盡於海潞江之獨下海西可知矣。按志又有大車湖在州南甚廣，中有山如瓊浪中一點青。今惟城北上千巖巖窅山下有二海子城南竝無瀦水，豈洪流盡揚塵耶？過新橋西行半里有岐，西北行者爲烏沙尖山道，南下者爲跌水河道。余聞其勝甚，乃先南趨出竹塢中一里，涉一東流小澗，南上坡折而東，約半里有大石梁架大盈江上，其橋東西跨新橋下流，從橋西稍南上坡不半里，其水從左峽中透空平墜而下，崖深十餘丈，三面環壁，水分三派飛騰，中闊丈五，左駢崖齊涌者闊

遊記

八册下  
滇九

十四

四尺，右嵌崖分趨者闊尺五，蓋中如簾，左如布，右如柱，勢極雄壯，與安莊白水河齊觀。但此崖更近而逼，從西崖遶南崖平對而立，飛沫倒捲，屑玉騰珠，遙洒人衣，而白日間真如雨花雪片，土人所稱久雨不晴者以此。但雨字當易旱爲是，用雨字則疊牀架屋矣。其水下墜成潭，嵌流峽底甚深，因下蹈之，有屋兩重，在夾壑中，乃王氏水春也。復上西崖，其南一峯高聳憑空，揖瀑是爲龍光臺，上建關帝殿，迴盼久之，復下西崖，其崖甚狹，東卽瀑流墜空，西亦夾坑環屋，俯視屋下坑底，有流泉疊碓，亦水春也。而當環坡間，其西卽南下緬箐大道，不知水所從出，細瞰之，水從脚下透穴出，南分爲二，一隨大



道南注一復入巨石下入夾坑之屋爲春迴眺崖北有峽一線深下五六丈駢峙北來闊僅一尺而高不啻三丈餘水從其底透入前崖之腹而出其南計崖穴之上高亦三丈餘南至出水之穴上連三四丈不識其下透之穴與上駢之峽從何而成天巧人工兩疑不能至此矣從崖上躡西峯一里有寺踞峯之東門東向爲毘盧寺由其西二里直抵播鼓尖峯下見有路直躡峯西上而路有二生指寶峯大道尙在北乃橫涉田間半里得大道隨而西上坡二里西抵播鼓之北當西北從岐上而余誤從西南一里躡峻一里漸轉南陟復向播鼓行又一里心知其誤遂西逾嶺脊則望見寶峯殿閣在

遊記

八冊下  
滇九

十五

西北嶺半與此脊齊等而隔箐兩重其下甚深皆從西南嶺脊墜下計隨坡東下就大道復上與躡坡西上從峯脊轉下其路相比不若上之得以兼陟其頂也遂西南上甚峻一里直出播鼓尖之西有路自尖南向來合同之西北度脊脊北路分爲二一西北沿峯去一東北攀嶺行一里再逾嶺陟脊其脊兩旁皆東西下乃飯於脊過北路復分爲二如前然東北者猶非寶峯路尙隔一箐也乃復西北上頂一里躡其最高處東俯州城東塢西俯峩隴南塢皆近夾此脊下而峩隴之西又有高峯一重自北而南夾峩隴之塢南出緬箐而與大盈之江合而南去焉頂東南深樹密翳乃從西北下甚峻



半里就夷隨東箐北行嶺脊又半里路交十字一從南直北者俱行其脊一從東箐中上橫過西北者出山腰知寶峯之寺在箐翳矣乃折而東下木葉覆叢條間甚峻而滑非攀杖足無粘步下一里轉殿角之右則三清殿也前有虛亭三楹東攬一川之勝而其下亭閣綴懸崖間隔箐迴坡咫尺縹渺殿西廡爲二黃冠所栖余置行囊令顧僕守其處乃由亭前東下道分爲二一從右下危坡一從左轉深箐余先隨箐下半里右顧崖間一亭飛綴八角重櫺高倚懸崖之上乃叅府吳君蜀人名新建以祀純陽者由亭左再下緣箐半里南轉仰見亭下之石一削千仞如蓮一瓣高穹向空其南又豎一

遊記

八册下  
滇九

十六

瓣駢附之皆純石無纖紋惟交附處中垂一線闊僅尺餘鑿級其中仰之直若天梯倒挂也北瓣之上大書莫高山大川五字亦吳叅府筆其下新構一軒跨路貌靈官於中南瓣側有尖特聳夾級爲門其下玉皇閣倚之環騰多土山獨是崖純石危穹夾箐之間覺耳目頓異玉皇閣南亦懸箐無路靈官軒北又鑿崖爲梯嵌夾石間北下數丈有石坊當其前大書曰太極懸崖從此北度東下之箐再上北坡共里餘則寶峯寺當峯而踞高與玉皇閣等而玉皇閣東向此寺南向寺東龍砂最微固不若玉皇閣當環箐中央得一山之正也寺頗寥落有尼居之此昔之摩伽陀修道處他處皆釋盛於道



而此獨反之已復下箐中躡太極崖過北瓣下從一線之級上其級峻甚幾不能留趾幸兩崖逼束手撐之以登一上者八十級當純陽亭之南峽始曲折爲梯又三十餘級而抵虛亭間余擬眺月於此以擴未舒之觀因拭卓作記令顧奴汲水太極下箐東以爨一黃冠止之以飯飯余仍坐虛亭忽狂濺布雲迨暮而月色全翳邵道謂虛亭風急邀余臥其榻十七日余起見日麗山幽擬暫停憩其間以囊中存米作粥令顧奴入州寓取貴州所買藍紗將鬻以供杖頭而此地離州僅八里顧奴去不返抵下午餒甚胡道飯余旣而顧奴至紗仍不攜來也

遊記 八册下  
滇九

十七

十八日錄記於虛亭先夜有虎從山下嚙叅戎馬叅戎命軍士搜山覓虎四峯瞭視者吶聲相應兩箐搜覓者上下不一竟不得虎 巔塘關南越大山西南遶古勇關北分支東突者爲尖山東南突者爲馬鞍山又分支南下者爲寶峯又南爲打鼓尖又南盡於龍光臺其馬鞍山正支東度者一起爲筆峯又起爲龍從於是南環爲赤土爲亂箭哨過脊又南爲半箇山而西北環來鳳而結州治此所謂迴龍顧祖也從古勇關北分支南下者爲鬼甸西山又南爲鵝籠西山又南抵於緬箐正支西南下者爲古勇西關而南接於神護焉入關之外其北又有此古勇巔塘二關乃古關也 巔塘之外爲茶山長官司舊屬



中國今屬阿瓦嶺塘東北阿幸殿北爲姊妹山出班竹其外卽野人寶峯山東向屏立其前下

分爲二箐中垂石崖高穹兩旁倒插箐底北箐之上環岡一

支前遶如堵墻石崖中裂鑿級懸其間名猢猻梯梯南玉皇

閣倚其下梯北純陽閣踞其上舊有額名爲太極懸崖而吳

叅戎又大書鐫其上曰奠高山大川純陽閣之上則開軒三

楹左右當懸箐之中而下臨絕壑向東北近則環岡前伏平

川遶其下遠則東山之外高黎貢北尖峯特出衆山之頂正

對其中此峯土人又名爲小雪山遙峯橫亘天半而其上特

聳一尖如拱圭蓋在分水關之北二十里關間無路

能上亦不能見至此乃東見之馬鞍山寶藏之徒徑空昔在

戒行時曾從赤土舖北度龍川至其下爲高簡槽有居人段

姓者導之登其頂目界甚爽其後爲三清殿則邵道所栖也

其高蓋四十里云

遊記 八册下 滇九

三清殿去西頂不遙余前從之下蓋是山之最高者爲三清

殿東北向當石壁而居一山之中者爲玉皇閣東向居北箐

之北倚環岡腋間者爲寶峯寺南向玉皇閣當石壁下兩箐

夾之得地脈之正而純陽閣孤懸崖間從蓮花尖上現神奇

是奇正相生之妙也蓋騰陽多土山而此山又以土山獨裹

石崖於中如穎躍於囊且兩箐中怪樹奇株鬱葱蒙密竹之

大者如吾地之貓竹中者如吾地之筋竹小者如吾地之淡

竹無所不有又非迤東西所有也廷甲按舊有額至大川廿五

字宜從揚本節去已見十六日

二十一日飯後別邵道下純陽閣東經太極崖其處若橫北

箐而上半里而達寶峯寺余以南箐懸峭昨所未經乃從大



路循玉皇閣下懸崖曲折下半里又度北箐之下峽從環岡  
大道復半里北上寶峯寺問道於尼尼引出殿左峯頭指山  
下核桃園直北爲尖山道西北登嶺爲打鷹山道聞打鷹山  
有北直僧新開其地頗異乃先趨打鷹於是東北下坡一里  
抵坡北又北一里餘有數家倚西山麓是爲核桃園其西北  
有岫頗低乃寶峯之從北度脊者有大道西向之有小溪東  
注逾之直北一里餘乃西北登坡四里逾坡脊而西是名長  
坡又西半里乃轉而北挾西峯而循其北仍西行脊上其脊  
北下卽酒店嶺之東度爲筆峯龍從者南下卽野豬坡之南  
出爲鵝籠緬箐者蓋俱從分支之脊行也西五里嶺岫間路

遊記

八册下  
滇九

十九

交十字乃西北橫陟之當從北躡坡誤從西行嶺之南二里  
遇樵者知爲鬼甸道打鷹開寺處已在直北雙峯下然此時  
已不見雙峯亦不見路影乃躡棘披礫直上者三里霧氣襲  
峯或合或開又上二里乃得亂坪小峯環合之中多迴壑竹  
叢雜布見有撐架數柱於北峯下者從壑中趨之仍無路柱  
左有蓬一龕僧寶藏見余迎入其中始知卽開山之人也因  
與余遍觀形勢飯後霧稍開余欲行寶藏固留止一宵余乃  
從其後山中垂處上其山乃中起之泡也其後復下大山自  
後迴環之上起兩峯而中岫遙望之狀如馬鞍故又名馬鞍  
山據土人言其上多鷹舊志名爲集鷹山而土音又譌爲打



鷹云其山脈北自冠子坪南聳從頂上分二岐一峙西南一峙東北二峯之支如抱臂前環西南下者當壑右而伏過中復起小阜而爲中案南墜而下復起一峯爲前案東北下者當壑左而伏結爲東窪之鑰兩峯岫處正其環窩處前蹲一峯當窩中其脈復自東北峯降而中度宛如一珠之托盤中其前復起兩小阜如二乳之列於胃其脈卽自中蹲之峯從左度右又從右前度而復起一阜於中與雙乳又成鼎足前列爲中峯近案卽南與中案竝峙稍度而東又起一阜卽北與東窪之鑰對夾故兩乳之前左右俱有窪中岫中峯之後左右亦有峽中局其脈若甚平而一起一伏隱然可尋其兩

遊記

八册下  
滇九

二十

峯之高者左右皆環而止唯中之伏而起者一線前度其東爲筆峯龍嵒南爲寶峯龍光者皆是脈也土人言三十年前其上皆大木巨竹蒙蔽無隙中有龍潭四深莫能測足聲至則湧波而起人莫敢近後有牧羊者一雷而震斃羊五六百及牧者數人連日夜火大樹深篁燎無子遺而潭亦成陸今山下有出水之穴俱從山根分逗云山頂之石色赭赤而質輕浮狀如蜂房爲浮沫結成者雖大至合抱而兩指可攜然其質仍堅真劫灰之餘也寶藏架廬在中峯之下前臨兩乳日後有擴而大者後可累峯而上前可跨乳爲鐘鼓之樓云今諸窪雖中岫而不受滴水東窪之上依石爲窞有瀦水一



方豈龍去而滄桑條易獨留此一勺以爲開山之供者耶寶藏本北直人自雞足寶臺來見尖山雖中懸而無重裹與其徒徑空覓山至此遂龕坐蓬處者二年今州人皆爲感動爭負木運竹先爲結此一櫺而尙未大就云徑空四川人向從戎爲選鋒復重慶援遼援黔所向有功後爲武越叅府旗牌蓬髮於甘露寺從師覓山師獨坐空山徑空募化山下爲然一指開剏此山俱異人也晚宿龕中有一行脚僧亦留爲僧薙地者乃余鄉張涇橋人蕭姓號無念名道明見之如見故人焉二十二日晨起宿霧淨盡寶藏先以點餉余與余周歷峯前憑臨而南爲南甸其外有橫山前列則龍川後之界也近嵌

遊記

八册下  
滇九

二十一

麓西爲鬼甸其外有重峯西擁則古勇前南下之支也下伏而東度爲筆峯其外有高嶺東穹則高黎貢後聳之脈也惟北向則木山後屏焉然昨已登嶺北眺知東北之豁處爲龍川所合西北之叢處爲尖山所懸而直北明光六廠之外皆野人之栖矣久之乃飯而別寶藏命其徒徑空前導從東北行皆未開之徑也始逾東環之臂卽東北下雖無徑而頗坦三里餘有路循嶺北西去往鬼甸道蓋是山前後皆向鬼甸道也於是交之仍東下甚峻一里又有路自東南來西北逾嶺去此卽州中趨冠子坪道蓋冠子坪從北南度穹起打鷹之頂自北望之不見雙峯如鞍祇覺層起如冠逾脊而下是



爲坪邨所托有龍潭西湧乃鬼甸上流經鵝籠而南下者也  
余交其路仍東北下行莽棘中一里餘北向下傍西小峽漸  
有微徑徑右峽中亦有叢竹深藤東轉再逾一峽一里乃北  
行環岡上岡之西大山始有峽中盤岡之東始隨坡東下共  
二里抵坡麓則響水溝之峽在其東矣有溪自西峽出北涉  
之隨西山北行西山至是稍開有路西入之交其路而北一  
里餘稍下又有小水從西塢出是爲王家壩以此水爲界  
兩俱沐府莊又  
北半里遂與南來大路合又北一里有邨在西山下至是中  
塢始開其塢南從酒店脊來北至此東西乃闢溪沿東麓北  
下邨倚西山東向而路出其中又北里許有岐東北往界頭

遊記 八册下  
滇九

二十二

余循西山西北下渡一小峽半里西轉其南谷爲灣腰村蓋  
王家壩之後山也其北塢爲左所屯乃龍從北又起一峯其  
餘支西北而環者塢中始有田疇下關響水溝之流亦西北  
貫之而路從南山西向行一里餘有小水北流又西一里餘  
有結茅賣漿在南山下於是巨松錯立高影深陰午日俱碧  
又西二里爲馬站其北坡下頗有隔林之廬而當路左者止  
一家州來者皆飯焉其西始田塍環坡從田中西北行一里  
餘抵北山下稍西復北一里逾其嶺有墟場爲馬站街房其  
北山坡襍沓石齒高下東岡與西山遂夾溪北注共三里有  
山橫於前乃西隨之半里北透其嶺其北則山開而下盤環



壑溪從西山透南峽來，逶壑北去，固知透嶠之山，乃自南而西轉，嶠西一峯，卽西盡於溪者也。盤壑而西北，一里餘，遂循溪東岸行，其西岡松檜稠密，有大寺基在焉，乃飯於溪旁。又北半里，爲邱坡，有兩三家，倚西山下。其西則羣山中，迸爲峽，有岐西入之，爲古勇道。其東則谷口橫拓，南北之水俱由之出焉。於是北行田塍間，二里，屢逾其分流之水。又北一里餘，爲順江邨，古之順江州治也。西山至是，中斷復起，其特聳，頗厲，是爲三清山。邨多環石爲垣，連竹成陰者。又北半里有水，自西峽來，東向而注，是爲順江。有木梁跨其上，順江邨之東山塢，東關過橋，復北上坡，行竹徑中，半里北下，過乾海子，二

遊記 八册下  
滇九

二十三

里餘，北上坡，有虛茅在坡北，是爲順江街子。復西北行坡坂間，其坂西倚三清山，東臨夾壑，壑之東則江東山南下而橫止焉。從此三清西，江東東，屏又成南北之塢，行坂間，三里北向稍下，忽聞水聲，則路東有溪，反自南而北，至是乃東轉去，想順江之分流而至者。蓋江東山之西，已有兩江自北而來，此流何以反北耶？流旣東，路遂北盤，東垂之坡，二里，是爲雞茨坪，逾坪北下，一里餘，復得平疇，有賣漿者當路右。於是東北行田塍間，一里餘，有江自西北注，東南長木橋橫跨之，是爲西江。其東又有一江自東北注，東南沿東山與西江並南行塢中，是爲東江。旣度西江橋，遂北行江夾中，一里而至。



固棟宿於新街固棟一名谷棟聚落當大塢中東西二江夾之其北則雅烏山南垂橫亘兩山間至此而止其南則兩江交合於三里外合流東南去至曲尺入龍川江東則江東山北自石洞東南向而下西則三清山北又起一峯南與三清雁行而峙其中有峽如門而小甸之路從之是峯卽雲峯矣山東下北轉之脈雲峯正在其西爲彼所掩故固棟止西見此山而不見雲峯也其地直東與瓦甸對直西與雲峯對直北與熱水塘對直南與馬站對有新舊二街南爲新北爲舊二十三日命主人取園筍爲晨供味與吾鄉同八九月間有香筍薰乾燒貯味有香氣北一里過舊街買飛松一柳於劉姓者家飛松者一

遊記 八册下 滇九

名狐實亦作梧實正如梧桐子而大倍之色味亦如梧桐而殼薄易剝生密樹中一見輒伐樹乃可得遲則樹卽存而子俱飛去成空株矣故曰飛松惟巔塘關外野人境有之野人時以茶蠟黑魚飛松四種入關易鹽布其人無衣與裳惟以布一幅束其陰上體以被一方幃而裹之不復知有衿袖之屬也此野人卽茶山之彝昔亦內屬今非王化所及矣然謂之紅毛則不然也又北二里餘橫岡後亘望之若東西交屬於兩界崇山不復知其內有兩江之嵌於兩旁也此岡卽雅烏山南垂盡處東西二江皆從其兩腋南出疑卽挨河而土人譌爲雅烏耳陟岡而北又二里岡左漸突而成峯岡右漸



嵌而爲坑路漸逾坑傍峯而上於是坑兩旁皆峯復漸成峽  
循峽西峯行二里陟其北岫遂挾西峯之北而西向下二里  
路右有大栗樹一株頗巨而火空其中路左則西江自西壑  
盤曲東來破峽而東南去於是出固棟西山之西北矣始下  
見盤壑西開江盤壑底而尖山兀然立其西南矣又西下一  
里隨江北岸西行二里始有邨廬倚岡頭是爲烏索其江反  
北向折而來路乃南下岡就之半里則長木橋橫架江上反  
自西而東度之橋東復有竹有廬從其側轉而西南則固棟  
西山與尖峯後大山圍環其南而江曲其北者也又西半里  
有邨連竹甚盛半里從其邨南西轉復行岡坂者二里岡頭

遊記

八册下  
滇九

二十五

巨松錯落居廬倚之半里西向下涉一坑又西南一里餘連  
過兩邨又西向下涉一坑始及山麓遂西向上半里有小水  
注坡坂間就而滌體時日色亭午解衣浣濯久之乃西南循  
小徑上一里轉而西始與東來路合時雷雨大至行草徑間  
一里稍西下涉一峽底於是巨木參霄縹藤蒙塢遂極幽峭  
之勢盤峽嘴而西一里又涉一峽底二峽皆在深木中有小  
水淙淙自北而南下注西來之溪合而東行北出者也涉峽  
之西崖有巨石突立崖右路由巨石之東北向上曲折躋樹  
蔭中高崖滴翠深木篩金始知雨霽日來陰晴弄影不得凌  
空之屐也上三里遂陟岡脊脊兩崖皆墜深涵碧聞水聲潺



潺在其底而不辨其底也。脊狹不及七尺，而當其中復有鋪木以度者。蓋脊兩旁皆削，中復有窞下陷，故以木填之。行脊上一里，北復稍下，又涉一南墜之峽，半里乃西北上，其上甚峻。一里餘而飯，稍夷，轉西南盤而北，半里復曲折上，峻愈甚。一里又稍夷，循峯崖而轉其腰，始望見尖峯在隔箐隴樹間，而不知所循者亦一尖峯也。北半里抵其峯西腋，稍西下度一脊，遂西上，上皆懸崖削磴，迴顧前所盤脊，東峯亦一峯復聳，山頭尖削，亦堪與尖山伯仲。但尖山純石中懸，而彼乃土峯前出耳。兩峯之北復與西大山夾成深壑，支條盤突，箐樹蒙蔽如翠濤，沉霧深深在下，而莫窮端倪。惟聞猿聲千百，唱

遊記

八冊下  
滇九

二十六

和其間而人莫至也。峰頭就豎石鑿級爲梯，似太華之蒼龍脊，兩旁皆危崖，而石脊中垂，闊僅尺許，若龍之垂尾以度，而級隨之仰望，但見層累不盡，而亦不能竟其端倪也。梯凡三轉，一里而至其頂，頂東西長五丈，南北闊半之，中蓋玉皇閣。前三楹奉白衣大士，後三楹奉三教聖人，頂平者如是而止。其向皆東，臨前峯之尖，南北夾閣爲側樓，半懸空中。北祠真武，下臨北峽，而兩頭懸榻以待客。南祠山神，下臨南峽，而中厰爲齋堂，皆川僧法界所營構。蓋其上向雖有道，而未開闢，莫可栖托。法界成之不及五年，今復欲闢山麓爲下殿，故往州未返。余愛其幽峻，遂止東側樓，守寺二僧，一下山負米，一



供樵炊而已。

二十四日晨起，天色上霽，四山咸露其翠微，而山下甸中則平白氤氳如鋪絮，又如瀟波無分遠近，皆若浮翠無根，嵌銀連疊，不知其下復有坡淵，邛塍之異也。至如山外之山，甸外之甸，稍遠輒爲嵐翠掩映，無能拈出，獨此時層層襯白，一片內一片外，搜根剔與，雖掩其下而愈疏其上，乃呼山僧與之，指質遠近諸山，一一表出，因與懸南崖而下，有崖前臨絕壑，後倚峭壁，中刊橫蹻，下平上覆，恰如匡牀，雖小而可憩，可臥，是名仙牀。俯層峭之下，巉覆累累，無可攀循，僧指其下有仙洞，須從梯級下至第二層，轉崖下墜，乃可得之。遂導而行，其

遊記

八册下  
滇九

二十七

洞乃大石疊綴所成，亂崖顛磴欲墜未墜，迸處爲蹻，覆處爲洞，穿處爲門，門不一竅，洞不一層，中欠寬平，外支幽險，若疊級架板，亦可幽栖處也。洞門東向腋中者爲大，入而南穿一峽，排空而下，南出峽門，其門南臨絕壑，上夾重崖，有二木，毳倒懸其前，仰睇之，其上垂藤，自崖端懸空，下丈餘，卽結爲瘦如瓠，匏之綴於蔓者，瘦之端綴旁芽細枝，上迎雨露，茸茁天矯花葉不一狀，亦有結細子員綴枝間者，卽山僧亦不能名之，但曰寄生，或曰木膽而已，一絲下垂，結體空中，馭風吸露，形似膽懸，命隨空寄，其取意亦不誣也。余心識其異，欲取之，而高懸數丈，前卽崩崖直墜，計無可得，但其前有高樹，自崖



隙上聳若得梯橫度樹間緣柯而上以長竹爲笈可鈎藤而  
截取之余乃識而行復隨導僧由梯級北下懸空之臺乃石  
脊一枝下瞰北壑三面盤空矯若龍首條岡迴壑紆轡其下  
與仙洞各綴梯級之旁若左右垂珥洞倚南崖以幽峭見奇  
臺踞北壑以憑臨爲勝此峯前兩概也由峯後西南越脊而  
下更多幽境近法界新開小路下十里至小甸乃固棟西向  
入峽經此而趨古勇之道其坡有熱水塘亦法界新開者由  
此東可出固棟西可窮古勇而余時有北探滇灘阿幸之興  
遂不及兼收云是午返寺回顧僕取斧縛竿負梯而往遂以  
前法升木取瘦而崖高峽墜木杪難於著力久而後得之一

遊記 八册下  
滇九

二十八

瘦圓若葫蘆倒垂上大下小中環的頸一瘦環若巨珓兩端  
圓湊而中空皆藤懸於上而枝發於下如珓者輕而鬆如葫  
蘆者堅而重余不能兼收後行時置輕負堅者而走

二十五日余留二詩於山負木膽於肩從東大道下梯級一  
里餘東度過嶠遂東南循前峰之腰又半里東度脊項於是  
俱深木夾道曲折峻下者二里涉一南盤峽復東北上半里  
凌脊乃東行脊間左右皆夾壑甚深而重木翳之又半里度  
脊間鋪木又東南半里復盤壑東北下二里至前巨石之左  
遂涉南下之溪半里復東逾一岡又半里再涉一南下之溪  
東向稍上遂出箐東北行一里至下院分岐之路仍從向來



之小路一里餘至前浴流之所又半里越塢而得一邨入問熱水塘道仍東北三里過烏索橋從橋西逾岡而北一里與大道合隨之西北循東山之麓行六里有岡自東山直對西峯而下驅江流漱西峯之麓而路亦因之與江遇已復逾岡北下北塢稍開有小水交流西注蒸氣襍沓而起卽熱水塘也半里抵塘上有池而無屋雨霏霏撲人乃令顧僕守行囊於塘側北半里上坡觀其街子已散而無他物望南岡有邨廬在坳脊間街子人指其上有川人李翁家可歇復南半里迴覓之有閩人洪姓者向曾寓余鄉爲導入同寓余乃出就塘畔招顧僕入出攜滄啖之問阿幸路須仍從此出此中東

遊記 八册下  
滇九

二十九

至明光雖止隔一山險峻不可行也見日色尙早而雨止乃留熱水待出時浴并木膽寄李翁家菜園中遂仍西北行五里北上坡爲左所蓋其分屯處也其處居廬甚盛行者俱勸余宿此謂前皆爨彝家不可栖且多茶山彝出入不可晚行余不顧又北二里逾一坡又三里過後所屯漸折而從西北三里直逼西大山東北垂復與江遇迴顧尖山與前峯竝峙中坳如馬鞍而左所之南復有峯一支自西山突出橫亘其北故路必東北從烏索橋抵熱水塘又西北至此也此地正當尖山之北其北則西大山漸伏中遜而西爲滇灘過脈處東大山直亘而南分墜西竄下突小山橫界於北爲松山坡



坡之北卽阿幸北進之峽其西北高峯浮出於橫坡之上則阿幸滇灘之間又中界之一峯所謂土瓜山也行江東岸一里復折而東北一里抵東山腋下山峯叢立處有兩三家倚東坡而栖是爲松山從其前又北一里上北山西亘之坡一里躡坡脊其脊正西與巔塘相對有塢西盤而江水自北橫界脊下脊若堵牆湖水北上從脊間行二里乃西北下半里有石屏西向立峯頭是爲土主碑乃神之所托也從石西墮坡下涉江西上乃滇灘關道已茅塞不通惟茶山野人間從此出入負茶臘紅藤飛松黑魚與松山固棟諸土人交易鹽布中國亦間有出者以多爲所掠不甚往也其關昔有守者

遊記 八冊下  
滇九

三十

以不能安居多遁去不處今關廢而田蕪寂爲狐兔之穴矣其隘亦紆坦不甚崇險去此三里已望而知之遂北下坡一道從塢間溯江東岸北行爲度橋捷徑一道沿東坡北上爲托宿之所乃下半里渡東來小澗復上東坡北隨之行二里有四五家倚東山而居卽托宿之所也其主人王姓者夫婦俱伐木山中未歸余將西度橋望西山下投栖聞其地江岸西廬乃土舍所托皆不納客納客者惟東岸王店方躊躇間一鋤於田者乃王之隣謂其婦亦入山未歸不識可徐待之否余乃還待於其門久之婦歸爲汲水而炊此地名土瓜山西乃滇灘東北高峯南下之支東乃雅烏直北崇亘之嶺中



夾成塢江流貫其間南則土主碑之橫岡自東而西突北則  
土瓜山之東嶺自西而東突中界此塢南別松山坡北別阿  
幸廠而自成函蓋於中蓋滇灘土巡檢昔爲某姓已絕今爲  
土居之雄者曰龍氏與此隔江相向雖未授職而儼然以土  
舍自居矣

二十六日凌晨起飯西下行田間半里抵江岸溯江北行有  
木橋跨江而西度之復溯江西岸北行一里北上坡半里折  
而東盤其東突之嘴半里復轉而北從坡上行西循峯腰東  
瞰江流塢底至此遂束而爲峽隔峽瞻東山之崖崩石凌空  
巖巖上擁峽中之水北自阿幸廠北姊妹山發源南下南趨

遊記

八册下  
滇九

三十一

烏索而爲固棟西江者也東西兩界山自姊妹山分支西下  
穹爲滇灘東北峯而下爲土瓜山東下穹爲阿幸東山而南  
接雅烏東山之東北爲明光南爲南香甸第此山峻隔路仄  
難逾故行者避之北行西坡五里稍下有小澗自西而東涉  
之北上於是屢陟東突之坡再渡東流之澗八里西坪稍開  
然北瞻姊妹反茫不可見又北二里盤西山之嘴始復見姊  
妹山北倚而前壑之下爐烟氤氳廠廬在焉遂五里而至廠  
廠皆茅舍有大爐小爐其礦爲紫色巨塊如辰砂之狀有一  
某姓者方將開爐見余而留飯於龕中言其北姊妹山後卽  
爲野人出沒之地荒漠無人居而此中時爲野人所擾每凌



晨逾箐至，雖不滿四五十人，而藥箭甚毒，中之無不斃者。其妻與子俱沒於此。現葬山前姊妹山，出班竹北去此三十里。可望而盡，不必登。明光逾峻而過，東去此四十里，然徑仄無行者，恐箐深蔓翳亦不可行。乃遂出，仍二十里下土瓜山，又一里過江橋而東，乃沿江南，隨塢中捷徑二里，抵西南坡下。江漱坡而南，路稍東，逾東峽來小澗，其澗西注於江，卽前涉土主碑坡北之流。江之西亦有小澗，自滇灘南來，東注於江。其處乃正流之會也。復東南上坡半里，至石屏土主碑下，與前來之道合。又南越岡而下，過松山及諸所，二十里而入熱水塘李老家。時猶下午，遍觀熱水所洩，其出甚異。蓋塢中有

遊記 八册下  
滇九

三十二

小水自東峽中注而西者，冷泉也。小水之左右，泉孔隨地而出，其大如管，噴竅而上，作鼓沸狀，滔滔有聲，躍起水面者二三寸，其熱如沸，有數孔突出一處者，有從石窞中斜噴者，其熱尤甚。土人就其下流，作一圓池而露浴之。余畏其熱，不能下體，僅踞池中石上，拂拭之而已。外卽冷泉交流，若導入侵之，卽可浴。此冷泉南坡之熱水也。其北倚東坡之下，復有數處，或出於砂孔，或出於石窞，其前亦作圓池，而熱亦如之。兩池相望，而溢孔不啻百也。

二十七日晨起，飯而行，仍取水擔肩負之。由岡東南下峽，一里餘，復有烟氣鬱勃，則熱水復溢塢中，與冷水交流而西出。



峽其塢皆東大山之環壑也。由其南復上坡里餘有坑自東山橫截而西若塹界之者。其下亦水流淙淙隨坑東向上。一里從坑墜處南渡其上蓋其東未渡處亦盤壑成坪有邨倚東峯下。路當其西南半里有岐一南行坡上一東向邨間余意向東者乃邨中路遂循東峯南行前望尖山甚近三里稍下見一塢橫前其西下卽烏索之旁邨其南逾卽雅烏之西。嶢矣乃悟此爲固棟道亟轉而東莽行坡坂間一里得南來大路乃知此爲固棟向南香甸道從之漸東北上。一里稍平東向半里復上坡平上者一里行峯頭稍轉而南半里卽南雅烏之脊也從其上可南眺巖崑山而北來之嶺從其北下。

遊記

八册下  
眞九

三十三

墜爲嶢復起此坡東隨塢脊平行半里乃東北下抵嶢東則有路西自嶢中來者乃熱水塘正道當從墜坑東邨之岐上。今誤迂而南也於是又東下一里餘其下盤而爲坪當北山之東山界頗開中無阡墜但豐草芄芄東北一峯東突巖巖前標卽石房洞山也其後乃西北而屬於西山西山則自北而南如屏之列卽自熱水塘之東而南度雅烏者也於是循西山又北下半里見有兩三家倚南坡而廬下頗有小流東向而墜而路出其西北莫可問爲何所已而遇一人執而詢之其人曰雅烏山邨也亟馳去後乃知此爲畏途行者俱不敢停趾而余貿貿焉自適也又北一里再逾一東突之坡一



里登其坳中始覺東江之形自其南破雅烏東峽而去而猶不見江也北向東轉而下一里有峽自西北來卽截臬後西北之山與西界夾而成者中有小水隨峽東出有小木橋度其上過而東遂循北山之麓始見南壑中東江盤曲向西南而破峽蓋此地北山東突而截臬南山自石洞廠南盤旋西轉高聳爲江東山北嶺與北對夾截江西下中拓爲塢曲折其間路從其北東行一里有岐東南下塢中截流渡舟乃東趨石洞之道有路東北挾截臬之峯而轉乃北趨南香甸道於是東北一里餘轉截臬峯東遙眺其塢大開自北而南東西分兩界夾之西山多東突之尖東山有亘屏之勢塢北豁然

遊記 八冊下  
滇九

三四

遙達塢東則江東北嶂轟峙當夾惟東南一峽窈窕而入爲楊橋石洞之徑西南一塢宛轉而注爲東江穿峽之所先是余望此截臬之峯已覺其奇及環其麓仰見其盤亘之崖層聳疊上旣東轉北向忽見層崖之上有洞東向欲一登而不見其徑欲捨之又不能竟去遂令顧僕停行李守木膽於路側余竟仰攀而上其上甚削半里之後土削不能受足以指攀草根而登已而草根亦不能受指幸而及石然石亦不堅踐之輒隕攀之亦隕間得一少粘者紉足挂指如平帖於壁不容移一步欲上旣無援欲下亦無地生平所歷危境無逾於此蓋峭壁有之無此蘇土流土有之無此蘇石久之先試



得其兩手兩足四處不摧之石然後懸空移一手隨懸空移一足一手足牢然後懸空又移一手足幸石不墜又手足無力欲自墜久之幸攀而上又橫帖而南過共半里乃抵其北崖稍循而下墜始南轉入洞洞門穹然如半月上覆上多倒垂之乳中不甚深五丈之內後壁環擁下裂小門批隙而入丈餘卽止無他奇也出洞仍循北崖西上難於橫帖之陟卽隨峽上躋冀有路北迂而下久之不得半里逾坡之西復仰其上崖高穹有洞當其下洞門南向益竭蹶從之半里入洞洞前有巨石當門門分爲二先從其西者入門以內輒隨巨石之後東轉其中夾成曲房透其東其中又旋爲後室然亦

遊記 八册下  
滇九

三五

丈餘而止不深入也旋從其東者出還眺巨石之上與洞頂之覆者尙餘丈餘門之東又環一石對之其石中懸如臺若置梯躡之所攬更奇也出洞循崖而北半里其下亦俱懸崖無路然皆草根懸綴遂坐而下墜以雙足向前兩手反而後揣草根畧逗其投空之勢順之一里下乃及其麓與顧僕見若更生也日將過午食攜飯於路隅卽循西山北行三里而西山中遜又一里有邨倚西山塢中又半里遠邨之前而北遂與江遇蓋江之西曲處也其邨西山後抱東江前揖而南北兩尖峯左右夾峙如旗鼓配合甚稱有小溪從後山流出傍邨就水皆環塍爲田是名喇哈寨亦山居之勝處也溯江



而北半里度小溪東注之橋復北上坡二里東北循北尖峯之東麓一里餘仰見尖峯之半有洞東向高穹其門甚峻上及峯頂如簷覆飛空乳垂於外檻橫於內而其下甚削似無陟境蓋其路從北坡橫陟也余時亦以負荷未釋遂先趨廠又北一里餘渡一西來之澗有邨廬接叢於江之西岸而礦爐滿布之是爲南香甸乃投寓於李老家時甫過午也先是余止存青蚨三十文攜之袖中計不能爲界頭返城之用然猶可糴米爲一日供道石房洞扒山手足無主竟不知拋墮何所至是手無一文乃以褶襪裙三事懸於寓外冀售其一以爲行資久之一人以二百餘文買紬裙去余欣然沽酒市

遊記 八册下  
滇九

三六

肉令顧僕烹於寓余亟索飯乘晚探尖峯之洞乃從邨西湖西來之溪半里涉其南從夔彝廬後南躡坡迤邐南上一里遂造洞下洞內架廬三層皆五楹額其上曰雲巖寺始從其下層折而北升中層折而南升上層其中神像雜出然其前甚廠石乳自洞簷下垂於外長條短縷續紛飄颺或中透而空明或交垂而反捲其狀甚異復極其北頂更穹盤而起乃因其勢上架一臺而臺之上又有龕西迸復因其勢上架一閣又從臺北循崖置坡盤空而升洞頂氤氳之狀洞前飄洒之形收覽殆盡臺之北復迸一小龕南向更因其勢而架梯通之前列以小坊題曰水月中供白衣大士余從來嫌洞中



置閣每掩洞勝惟此點綴得宜不惟無碍而更覺靈通不意殊方反得此神構也時洞中道人尙在廠未歸雲磴不封乳房無扇憑憩久之恨不攜囊托宿其內也洞之南復有一門駢啓其上亦有乳垂而其內高廣俱不及三之一石色赭黃如新鑿者攀其上級復透小穴西入二丈後曲而南其中漸黑而有水中貯上有滴瀝聲而下無旁泄竇亦神瀆也洞中所酌惟此其中穴更深迥但爲水隔而黑不復涉而窮之乃下仍從北巖下循舊路二里返寓遂廢酒而臥不覺陶然

南香甸余疑爲蘭香之譌蓋其甸在北不應以南稱也山自明光分派來西卽阿幸東南下之山東乃斜環而南至甸東

遊記

八册下  
滇九

三十七

乃西突而南下夾江流於中其流亦發於明光北卽姊妹山東行之脈也是爲固棟東江之源此中有明光六廠之名而明光在甸北三十里實無廠也惟燒炭運甌以供此廠之鼓煉此廠在甸中而出礦之穴在東峯最高處過雅烏北嶺卽望而見之皆採挖之廠而非鼓煉之廠也東峯之東北有石洞廠與西北之阿幸東南之灰窰共爲六廠云諸廠中惟此廠居廬最盛然阿幸之礦紫塊如丹砂此中諸廠之礦皆黃散如沙泥似不若阿幸者之重也

二十八日晨起霧甚平明飯而爲界頭之行其地在南香甸東南隔大山大江各一重由南香東北大廠逾山則高壑重



山路小而近，由南香東南陽橋，曠逾東嶺，則深峽平夷，路大而遙。時因霾黑，小路莫行，遂從土人趨陽橋道，且可并攬。所云石洞也。從邨東度江橋，其橋東西橫架於東江之上，覆亭數楹。由橋東，卽隨江東岸，循東山南向行。東山者，卽固棟江東山之脈，北自明光來，至大廠稍曲而東南，至是復西突而南下，屏立南香甸之東。其上有礦穴，當峯之頂，茅舍緣之，自雅烏北嶺遙望，以爲南香甸也。至而後知爲朝陽出礦之洞。然今爲霧障，卽咫尺東山，一無所睹。而此洞直以意想定之而已。南行八里，則有峽自東山出，遂東轉而蹈之。其峽北卽東山，至此南盡，南卽東嶺之轉西。西矗於南香甸南，爲江東

遊記

八册下  
滇九

三十八

山北嶺者也。開峽頗深，有泉西出而注於東江，卽昨所從。截稟山前，分岐渡江而東入之峽也。峽徑雖深，而兩崖逼仄，循北山東行二里，望見峽內亂峯參差，拒流躍穎，亟趨之。一里至其下，忽見北崖中迸夾峙如門，路乃不測。澗東上竟北轉，入門，蓋門左之崖石脚直插澗底，路難外濳，故入而內繞耳。由門以內，仍東躡左崖之後，一里遂逾亂峯之上，蓋石峯三四，遂隊分行，與流相鑿，獨存其骨耳。循北峯攬澗南亂峯，又東一里，路復北轉，蹈北峯之隙。北下半里，則峯北又開一峽，自北而南，與東來之峽會於北峯東突之下，同穿亂峯之隙。而西所謂北峯者，從大廠分支西南下，卽南香甸東突之峯。



余今所行路循其南垂向東者也其東南垂亦至是而盡是山之西北有礦西臨南香甸者曰朝陽洞是山之東南有礦東臨是峽者曰陽橋陽橋之礦亦多挑運就煎煉於南香則知南香乃衆礦所聚也隨峽北望其內山迴壑闊有廠亦爐烟勃勃是爲石洞廠所云石洞者大廠之脈至是分環西下者自南香東界而南至陽橋下從峽中又東度一峯突爲虎砂而包其內東下者亦南走而東環之至東嶺而西轉穹爲江東山北境繞爲籠砂而包其外其水白石洞東南出合東嶺北下之水西注於亂峯與陽橋度峽水合流西注東江是石洞者衆山層裹中之一壑也從陽橋峽北望而見之峽中

遊記

八冊下  
滇九

三九

度脈而東雖無中界之脊而水則兩分焉余時欲從峽趨石洞慮界頭前路難辨不若隨同行者去遂捨石洞從東峽溯流入三里則路東有峯前屏北界陽橋東度之峯至是東盡石洞之水隨東屏之山南出而西轉則陽橋南峽之上流也路抵東屏前山下亦分岐爲二東北溯石洞水逾嶺者爲橋頭路東南溯東嶺北下之水逾嶺者爲界頭路然則西下峽中之水以石洞者爲首以東嶺者爲次也於是東南上坡二里餘陟嶺巔是卽所謂陽橋東嶺矣逾嶺卽南下一里復陟峽而上從嶺上南行二里就其東南坡而下二里越東流之壑復稍上二里越其南坡再下有岐下東大峽爲同行者誤



而南一里餘始知其誤乃莽陟坡而東北一里遇西來道偕  
之東陟勝一里餘則龍川東江之源滔滔南逝繫藤爲橋於  
上以渡橋闊十四五丈以藤三四枝高絡於兩崖從樹杪中  
懸而反下編竹於藤上畧可置足兩旁亦橫竹爲欄以夾之  
蓋凡橋鞏而中高此橋反挂而中垂一舉足輒搖蕩不已必  
手揣旁枝然後可移止可度人不可度馬也從橋東遵勝上  
始有邨廬夾路二里復東上坡由坡脊東行其坡甚平自東  
界雪山橫垂而西下者行其上三里直抵東山下是爲界頭  
邨其邨倚東山而北夾廬成街而不見市集詢之知以旱故  
今日移街於西北江坡之間北與橋頭合街矣蓋此地旱卽

遊記 八册下  
滇九

四十

移街乃習俗也乃令顧僕買米而炊余又西北下抵街子視  
其擾擾而已不睹有奇貨也旣乃還飯於界頭其地已在龍  
川江之東當高黎貢山西麓山勢正當穹隆處蓋高黎貢  
俗名崑崙岡故又稱爲高崙山其發脈自崑崙南下至姊妹  
山西南行者滇瀾關南高山東南行者繞小田大塘東至馬  
面關乃穹然南聳橫架天半爲雪山爲山心爲分水關又南  
而抵芒市始降而稍散其南北之高穹者幾五百里云由芒  
市達木邦下爲平坡直達緬甸而盡於海則信爲崑崙正南  
之支也由界頭卽從雪山西麓南行屢逾西突之坡十五里  
遙望羅古城倚東山坡間有寺臨之

此城乃土蠻所築之遺  
址其寺頗大有路從此



逾雪山過上江又南二里過磨石河又南二里越一山又逾一西突之坳又南二里過一小木橋又南一里越一坡乃循坡東轉二里抵東南峽口有山自東大山南環而峙於門大路逾坡而南上小徑就峽而西南乃就峽口出則前所過藤橋江亦自塢北來遂循其東岸而南三里始有邨倚江岸乃傍邨南行又一里宿瓦甸瀕江東岸亦南北大塢也邨塍連絡東向大山卽雪山漸南與山心近矣

二十九日飯而平明隨江東岸行二里餘兩岸石峯交合水流峽間人踰崖上江爲崖所束奔流若線而中甚淵深峽中多沸水之石激流盪波而漁者夾流置罾於石影間攬瑤曳

遊記 八册下  
滇九

四十二

翠無間得魚與否固自勝也半里越崖南下江亦出峽有石浮波面儼然一龍鬣隨水出也又南二里過上莊有山西突中夾塢成田邨倚突峯之東江曲突峯之西而路循塢中逾脊而西南又一里餘復與江遇而兩崖復成峽石之突峽迎流與罾之夾流曳翠亦復如前也一里江曲而西路從江之南亦曲而西截向北之塢於是北望隔江南下之山至是中分其東支已盡橫突而東卽西峽之繞而下者其西支猶橫突西南卽固棟兩江所合而南盤者兩支之中北遜成塢而灰窰廠臨其上焉是廠亦六廠之一所出礦重於他處昔封之而今復開則不及他處矣西一里復上一北突小岡有竹



環坡結廬其中者是爲苦竹岡越而南下共一里又越塢南上遂從坡上南行二里江隨西峯之嘴曲而東南始艤舟而渡其西岸隨西山南行一里坡尾東掉路亦隨而東南逾之一里有一二家倚坡北向而居由其東更南上一里遂逾其東下之脊南行脊間二里復稍下有小峽自西而東其峽甚逼中有小水塢坑東出乃下半里稍西轉迎流行峽中有數家倚峽北是爲曲石而峽之西其內反闢而成塢亦有郵廬倚之則峽水之所從來也於是南截峽流又上坡行坡間二里有郵當路左亦曲石之郵廬也又南三里乃隨坡西轉始見坡南塢大開水東貫之則固棟兩江合而與順江響水溝

遊記 八册下  
滇九

四十二

諸流一併東出者也循此坡稍北卽與界頭瓦甸之江合是爲龍川江之上流蓋交會於曲除者也固棟之江東山自石洞南度脊亦中盡於曲除者也余先自固棟歷其西又從陽橋東嶺逾其北又從瓦甸瞻其東又從灰窰曲石轉其南蓋江流夾其三方而余行周其四隅矣西行一里又南向峻下者一里及塢底有橋跨江亦鐵鎖交絡而覆亭於上者是爲曲石橋按一統志龍川江上有藤橋二其一在回石接江之上下無回石之名其卽曲石之誤耶豈其橋昔乃藤懸而後易鐵鎖耶於是從江南岸上坡西向由峽上二里餘復南向陟嶺二里餘登嶺頭有三四家當嶺而居是爲酒店以賣漿



得名也。飯而行，循嶺東南向。二里下，稍西轉，復南行坡上。又二里稍下，陟一塢而上。又南二里，過陳揮使莊，又南隨峽中行。二里有隴環前，峽折而自西來，有岐直南躡其隴。余乃隨衆從峽中西行半里，漸西上。又半里折而南上，又半里南登隴脊，始逾東度之脈。於是南望前壑，大開直南，與羅生山相對。其中成塢甚透，州城隱隱在三十里外。東之球埠亦可全見。惟西之寶峯，又西北之集鷹，皆爲龍嵒南下之支所掩，不得而見焉。余先賈勇，獨上踞草而坐。久之，後行者至，謂其地前有盜自東山峽中來，截路而劫，促余竝馳南下。東望層峽重巒，似有尋幽之徑而行者，惟恐不去之速也。下二里，望見

遊記 八册下  
滇九

四十三

澄波匯山麓，余以爲卽上干峩清海子矣。又峻下二里，有邨廬當海子北岸，竹徑扶疎，層巒環其後，澄潭映其前路，轉其東北隅，有小水自峽間下注，有賣漿之廬當其下，入而少憩，以所負木膽浸注峽泉間，且問此海子卽上干峩澄鏡池否。其人漫應之，但謂海中有魚，有泛舟而捕者，以時插秧，止以供食，不遑出賣。然余憶志言下海子魚可捕，上海子魚不可捕，豈其言今不驗耶。循海東峻麓行二里，及海子南濱，遇耕者再問之，始知此乃下海子。上海子所云澄鏡池者，尙在邨東北重山之上。由此而上五里，乃及之。余不能從南二里，越一澗，有邨連竹甚深，是爲中干峩邨。由邨南又南下三里，其



邨竹廬交映更遙是爲下干我邨至是東坡之下闢爲深塢而溪流南貫由是從邨南稍西卽轉南向隨坡上行一里漸南下俯瞰塢中溪流已有刺小舟而浮者旣而南行二里有二家倚坡灣而居與下干我南北遙對從此東向隨坡上半里乃躡坡之東嘴從其上南轉則東嘴之下其崖甚峻又數十家倚其麓而居竹樹蒙茸俯瞰若不可得而窺也南半里稍西復轉而南半里崖下居廬旣盡忽見一大溪東向而橫於前乃透崖而出石穴者崖峻無路下墜沿崖端南行半里稍下見有徑下沿坡麓乃令顧僕守木膽於路隅余策杖墜麓循崖北轉又半里投叢木中則其下石穴交流土人以

遊記

八冊下  
滇九

四十四

石堤堰水北注堤之上迴流成潭□□□尺堤之下噴壑成溪闊幾盈四五丈泉之溢處俱從樹根石眼糾繆中出陰森沁骨掬而飲之腑臟透徹悔不攜木膽來一投而浸之也旣乃仍南沿崖麓半里至顧奴候處取水膽負而行又南二里下坡有數家當坡之東指余東向逾梁其梁東西跨干我下流之溪志所謂馬場河也逾梁東卽東南逾田塍間三里抵東山下又有溪自東而西有梁南北跨之是爲迎鳳橋以其西有飛鳳山也橋下水卽東南出於赤土坡者北流至羅武塘出馬邑邨西向經此而與馬場河合過橋遂直趨而南二里再南逾一梁梁下水如綫將絕則黃坡泉之向北而西



轉者又南一里又南逾一梁其水亦將絕則飲馬河之向北  
而西轉者又南一里入騰越北門行城中二里出南門城中  
無市肆不若南關外之喧填也抵寓已下午矣

下缺

裔孫 熙海南校字

遊記 八册下  
滇九

五